



MILLIY TIKLANISH

3 (116)

2011 йил 19 январь, чоршанба

Ўзбекистон "Миллий тикланиш" демократик партиясининг ижтимоий-сиёсий газетаси

www.milliytiklanish.uz

2008 йил 30 октябрдан чиқа бошлаган

Телефон хизматлари ёшлар маънавияти, ахлоқига нечоғли таъсир этмоқда?

Уяли телефонлардан фойдаланишда юксак даражадаги маданият зарур. Уни ўрганиш ва ўргатиш жараёнлари эса таълим-тарбия муассасалари, маҳалла, оила, ота-оналар, кенг жамоатчилик бир-галикда, ҳамжиҳатликда ҳал этилишини тақозо этмоқда.

Мақтаб ва коллеж

Мақтаб битирувчиларини таълимнинг кейинги босқичига жалб қилиш мақсадида амалга оширилаётган ишлар ҳам ибратлидир. Бу ерда бўлаётган ҳар бир тадбирга фақат коллеж ўқувчилари эмас, шу ҳудуддаги мақтаб ўқувчилари ҳам жалб этилади. Бу эса ўз навбатида ўқувчиларда коллежга нисбатан қизиқиш уйғотади.



Ўзбек цирки

Цирк — ёшларга хос жисмоний баркамоллик, довораклик ва эпиллик санъатидир. Шунинг учун ҳам «Ўзбекдавлатцирк» Республика бирлашмасида ёш ижрочиларни қўллаб-қувватлашга, уларнинг ижодий ўсиши учун зарур шароит яратиб беришга катта эътибор берилмоқда.



5 МАЪНАВИЯТ

6 ЖАРАЁН

8 КЎЗГУ

ЎЗМТДП ҲАЁТИ

НИГОҲ



ТАРАҚҚИЁТ КОНЦЕПЦИЯСИ

ЎЗМТДП ҲУДУДИЙ ТАШКИЛОТЛАРИ МАЗКУР ҲУЖЖАТДАН КЕЛИБ ЧИҚАДИГАН ВАЗИФАЛАРНИ БЕЛГИЛАБ ОЛИШДИ

Сиёсий партияларга мамлакатимизда кечаётган чуқур ўзгаришлар ва янгиланишлар жараёнида фаол иштирок этиш учун барча ҳуқуқий асос ва имкониятлар яратилган. Зеро, бугунги кун жамиятда мустақам мавқега эга бўлиш ҳамда кенг жамоатчиликнинг ишончи ва эътиборини қозониш сиёсий партиялардан янада фаоллик ва ташаббускорликни талаб этади.

Шу кунларда партия фаоллари, халқ депутатлари маҳаллий кенгашлардаги партия депутатлик гуруҳлари иштирокида ЎЗМТДП Қорақалпоғистон Республикаси, вилоятлар ва Тошкент шаҳар кенгашларининг пленумлари бўлиб ўтмоқда. Ушбу пленумлар кун тартибидан Президентимиз Ислоҳ Каримовнинг Олий Мажлис Қонунчилик палатаси ва Сенатининг 2010 йил 12 ноябрда бўлиб ўтган қўшма мажлисидаги "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси" мавзусидаги маърузасидан келиб чиқадиган вазифалар ҳамда ҳудудий ташкилотлар фаолиятига доир бошқа бир қатор масалалар ўрин олди.

2-бет

МУАММО ВА ЕЧИМ

Миллий тикланишнинг асосий принципи — халқ маънавиятини тиклашга кўмаклашувчи анъаналар ва ижтимоий тараққиёт бирлиги принципини ҳаётга жорий этиш, юксак маънавиятли ва ахлоқли, эркин, масъулиятли, комил инсонни тарбиялашга ҳар томонлама кўмаклашишдан иборат.

Ўзбекистон "Миллий тикланиш" демократик партиясининг сайловолди ПЛАТФОРМАСИДАН

ТЕЛЕФОН ХИЗМАТЛАРИ

ЁШЛАР МАЪНАВИЯТИ, АХЛОҚИГА НЕЧОҒЛИ ТАЪСИР ЭТМОҚДА?

Телефон пайдо бўлганда унинг нақадар катта кашфиёт эканлигини бирданига англаб этиш унчалик қийин бўлмаган бўлса керак. Зеро, мазкур техниканинг инсон ҳаётига кириб келиши туфайли пайдо бўлган имкониятларнинг салмоғи нисбатан залворли эди.

Айниқса, транспортнинг турлари ва тезлиги жуда «камсукум» бўлган замонларда телефон тақдим этган имконият ҳақиқатан ҳам инсон ақлини шошириб қўярди.

5-бет

МАРОСИМ

ЎҚУВ КУРСЛАРИ ЯҚУНЛАНДИ

ЎЗМТДП МК Ихроия Қўмитаси томонидан Ўзбекистон Республикаси Президенти ҳузуридаги Давлат ва жамият қурилиши академиясида "Ўзбекистон давлат бошқаруви демократлаштириш чуқурлаштириш ва фуқаролик жамиятини барпо этиш йўлида" мавзусида ташкил этилган махсус ўқув курсининг ёпилиш маросими бўлиб ўтди.

Тингловчилар Президентимиз Ислоҳ Каримовнинг "Юксак маънавият — енгилмас куч" асарининг раҳбар фаолиятидаги ўрни, Давлатимиз раҳбарининг БМТ Саммити Мингйиллик ривожланиш мақсадларига бағишланган ялпи мажлисидаги нутқида илгари сурилган жамиятимиз ривожининг кафолатлари, Юртбошимизнинг 2010 йил 12 ноябрда Ўзбекистон Республикаси Олий Мажлиси палаталари қўшма мажлисидаги "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси" мавзусидаги маърузасида белгиланган устувор йўналишлардан келиб чиқадиган сиёсий партиялар олдидаги вазифалар, "Жаҳон молиявий-иқтисодий инқирози, Ўзбекистон шароитида уни бартараф этиш йўллари" асарининг мазмун-моҳияти ҳақида тушунчалар берилди.

Маросим якунида тингловчиларга сертификатлар тақдим қилинди.

Эргаш ХҲЖАЕВ

Ер юзидан бир-биридан улкан маъдан-гавҳарли бахру уммонлар талайгина. Лекин уларнинг ҳеч қайсиси бизга Оролдек муқаддас, қалбимизга яқин ва қадр-қимматли эмас. Эҳтимол, унинг тақдирида ўз тақдиримизни кўраётганимиз учун ҳам шундайдир. Негаки, тақдир ва насиба йўллари бизни борлиқ ҳамда йўқлиқ ораси табиатини билиш баробарида онг-шууримизда кечаётган улкан мураккаб жараён ўрни англаш сирларидан хабардорликка ўргатади. Инсон ўз қалбини тушунгани сайин атрофига ўткир зеҳн ва тийрак кўз билан назар ташлай бошлайди.

Очиғи, Орол бўйига сафарга таклиф қилишганларида Ҳаким ота, Темирчи бобо, Ажиниёз шоир кўним топган жой-

ларнинг ва албатта, ҳозирги замон тили билан айтганда экологик муаммолар марказида турган денгиз зиёратини

ўйлаб "ўзинга шукр", деб юбордим. Орол худди қўлма-қўл талашиб ўқилаётган китобга ўхшайди. Бу ҳудудда яшаётган аҳолининг турмуш тарзини яхшилаш, ҳавога кўтарилаётган чанг ва тузларни камайтириш мақсадида қилинаётган ҳаракатлар, балиқ ва бошқа тур маҳсулотлар ишлаб чиқарувчи янги корхоналарни ишга тушириш, иш ўринлари очиш, еросоти кон қидирувларининг самара бераётганлиги ҳақидаги қувончли хабарлар бу китобнинг жонли саҳифаларидир.

4-бет

ТАДБИР

АРМИЯМИЗ — ТИНЧЛИК ВА ОСОЙИШТАЛИК КАФОЛАТИ

Истиқлолнинг йигирма йиллигига қадамини қўйган Ўзбекистонда бугун тинч ва осойишта ҳаёт, фаровон турмуш, жамиятимизда барқарорлик ҳукм сурмоқда. Шу боис мамлакатимиз ўз тараққиёти сари тобора дадил одимламоқда. Ҳуқуқий демократик давлат, эркин фуқаролик жамияти қуришдек эзгу мақсад йўлида амалга оширилаётган туб ислохотлар бугун ўз самараларини бера бошлади.



3-бет

МТ БУГУНГИ СОНДА:

ПЛЕНУМ 2-бет

Тараққиёт Концепцияси

ПАРТИЯ ҲАЁТИ 3-бет

Армиямиз — тинчлик ва осойишталик кафолати

Оила мустақам бўлса

Лоқайдлик илдиз отмасин

ИЖТМОИЙ-СИЁСИЙ ҲАЁТ

Оролбўйига сафар

Кишлоқ хўжалигидаги ҳуқуқий асослар

Ислохотлар самара бермоқда

МАЪНАВИЯТ

Телефон хизматлари ёшлар маънавияти, ахлоқига нечоғли таъсир этмоқда?

4-бет

ЖАРАЁН

Навқирон авлод

Кредитлар ҳажми янада кўпаяди

ХАЛҚАРО ҲАЁТ

"Дарё тошқин... ўта олмайман"

Дунёдаги антиқа байрамлар

КЎЗГУ

Шахмат фестивали

8-бет

"Milliy tiklanish" газетасига обуна бўлинг!

Нашр кўрсаткичи — 158



ПЛЕНУМ

● **ЎЗМТДП ХАЁТИ****ТАРАҚҚИЁТ КОНЦЕПЦИЯСИ****ЎЗМТДП ХУДУДИЙ ТАШКИЛОТЛАРИ МАЗКУР ХУЖЖАТДАН КЕЛИБ ЧИҚАДИГАН ВАЗИФАЛАРНИ БЕЛГИЛАБ ОЛИШДИ**(Давоми.
Боши 1-бетда)

КОРАҚАЛПОГИСТОН: Ўзбекистон "Миллий тикланиш" демократик партияси Қорақалпоғистон Республикаси Кенгашининг навбатдан ташқари кенгайтирилган пленумида Концепцияда белгиланган устувор вазифалар тўғрисида ЎЗМТДП Қорақалпоғистон Республикаси Кенгаши Ижроия Кўмитаси раиси Валижон Реимов маъруза қилди.

– Президентимиз ўз маърузаларида сиёсий партиялар, маҳаллий ўзини-ўзи бошқариш органлари ҳуқуқларини янада кенгайтириш, нодавлат-нотижорат ташкилотлар ва давлат органлари ҳамкорлигини ҳуқуқий қўллаб-қувватлаш, фуқароларнинг ҳуқуқий маданиятини ошириш бўйича бир қатор қонун ва миллий Ҳаракат дастурини қабул қилишни тақдир қилди, - деди нотиқ. Модомки шундай экан мамлакатимизни янада демократлаштириш ва фуқаролик жамиятини шакллантириш жа-

ларнинг амалга оширилиши билан Ўзбекистонда дунёдаги энг либерал жиноий жазо тизимларидан бири шакллантирилди. Суд-ҳуқуқ соҳасида илгари сурилган юқоридаги тақдир ва ташаббусларнинг амалий ижросини таъминлашда партиямиз ва Олий Мажлис Қонунчилик палатасидаги фракцияси аъзолари алоҳида фаоллик кўрсатишлари лозим.

Пленум ишида партия фаолиятига доир бошқа бир қатор масалалар ҳам қизгин муҳокама қилинди.

АНДИЖОН: Ўзбекистон "Миллий тикланиш" демократик партияси Андижон вилоят кенгашининг навбатдан ташқари пленумида кун тартибидagi масала юзасидан ЎЗМТДП вилоят кенгаши раиси Комилжон Отахонов сўзга чиқиб, вилоят партия ташкилотли олдидаги устувор вазифаларга алоҳида эътибор қаратди.

– Юртбошимизнинг Олий Мажлиси Қонунчилик палатаси

ши ва янги иш ўринлари очилишига ҳам шароит, ҳам имконият яратлади.

САМАРҚАНД: Ахборот соҳасини ислоҳ қилиш, ахборот ва сўз эркинлигини таъминлаш фуқаролик жамиятини шакллантиришнинг муҳим шартларидан биридир. Дарҳақиқат, сўнгги йилларда оммавий ахборот воситаларини янада демократлаштириш ва либераллаштириш, олиб борилаётган ижтимоий-сиёсий ва иқтисодий ислохотларнинг очиклиги ва ошқоралигини таъминлаш, медиа-мақомага илгор ахборот коммуникация технологияларини кенг жорий этишга қаратилган ўнга яқин қонун ва қўллаб-қувватлаш ҳужжатлари қабул қилинди.

Ўзбекистон "Миллий тикланиш" демократик партияси Самарқанд вилоят кенгашининг навбатдан ташқари пленуми Президентимиз Ислам Каримовнинг Олий Мажлиси Қонунчилик палатаси раиси Қўшма мажлисидаги маърузасида белгиланган устувор йўналишлардан келиб чиқадиган долзарб вазифаларга бағишланди.

– Давлатимиз раҳбари тақдим этган Концепция чуқур таҳлилларга бойлиги, кенг қамровлилиги, юртимизда кечаётган жараёнларга бутунлай янги қараш билан ёндашилгани, жамият ҳаётининг барча жабҳаларини янада демократлаштириш борасида илгор ғояларнинг ўртага ташлангани билан ниҳоятда долзарб аҳамиятга эга, - деди ЎЗМТДП вилоят кенгаши Ижроия Кўмитаси раиси ўринбосари А.Умаров. – Айниқса, Юртбошимизнинг маърузаларида илгари сурилган ахборот соҳасини ислоҳ қилиш, ахборот ва сўз эркинлигини таъминлашга қаратилган чора-тадбирларнинг амалга оширилиши мамлакатимиз ва дунёда кечаётган жараёнлар, турли соҳаларда амалга оширилаётган ислохотлар оммавий ахборот воситалари ишида ҳам янги йўналишларнинг пайдо бўлиши ва ривожланишига туртки бўлиши табиий ҳол. Шу боис оммавий ахборот воситалари ходимларининг ҳам партиямиз электорати таркибига киришиши назарда тутилган, маърузада белгиланган вазифаларни амалга ошириш юзасидан ўз иш режимида ишлаб чиқишимиз лозим.

Пленумда Президентимиз Ислам Каримов маърузасида белгиланган вазифаларни амалга ошириш юзасидан ЎЗМТДП вилоят партия ташкилотининг Ҳаракат дастури тасдиқланди.

БУХОРО: Ўзбекистон "Миллий тикланиш" демократик партияси Бухоро вилоят кенгашининг навбатдан ташқари пленумида ЎЗМТДП вилоят кенгаши Ижроия Кўмитаси раиси Тоҳир Усмонов маъруза қилди. У ўз сўзида Юртбошимиз Ислам Каримовнинг Парламент палаталарининг қўшма мажлисидаги маърузасида мамлакатимизда фаолият кўрсатаётган сиёсий партиялар зиммасига бугунги ва эртанги кун талабларидан келиб чиққан ҳолда янги вазифалар юқлаганини таъкидлади. Шунингдек, маърузачи халқ депутатлари шаҳар кенгашидаги партия депутатлар гуруҳи ишини жонлантириш юзасидан бир қатор тақдир ва мулоҳазаларини ўртага ташлади.

Пленумда ЎЗМТДП МК Ижроия Кўмитаси раиси ўринбосари Жалолиддин Сафоев сўзга чиқди.

– Фуқаролик жамияти институтларини шакллантириш ва ривожлантириш мамлакатимиз ўз олдида қўйган стратегик мақсадларидан биридир. Шунинг учун ҳам истиқлол йилларида аҳо-

лининг кенг қатламларини қўллаб-қувватлайдиган фуқаролик жамияти институтларини шакллантириш ва ривожлантиришга алоҳида эътибор қаратилмоқда.

Президентимиз таъкидлаганидек, фуқаролик жамияти институтлари ҳозирги кунда демократик қадриятлар, инсон ҳуқуқ ва эркинликларини ҳамда қонуний манфаатларини ҳимоя қилишнинг муҳим омилига айланмоқда, фуқароларнинг ўз салоҳиятларини рўёбга чиқариши, уларнинг ижтимоий, социал-иқтисодий фаоллиги ва ҳуқуқий маданиятини ошириш учун шароит яратмоқда, жамиятда манфаатлар мувозанатини таъминлашга қўмалашмоқда. Бу соҳани ривожлантиришга қаратилган бир қатор қонун ҳужжатларининг қабул қилиниши жамоатчилик ва фуқаролик назорати институтининг давлат билан ўзаро самарали алоқасини таъминлашнинг муҳим воситаларидан бири эканига яққол мисолдир.

Шу боис оммавий ахборот воситалари ходимларининг ҳам партиямиз электорати таркибига киришини назарда тутилган, маърузада белгиланган вазифаларни амалга ошириш юзасидан ўз иш режимида ишлаб чиқишимиз лозим.

Пленумда Президентимиз Ислам Каримов маърузасида белгиланган вазифаларни амалга ошириш юзасидан ЎЗМТДП вилоят партия ташкилотининг Ҳаракат дастури тасдиқланди.

Концепцияда фуқаролик жамияти институтларини янада ривожлантириш, амалга оширилаётган ислохотларнинг очик-ошқоралиги ва самарадорлигини таъминлашда уларнинг ролини кучайтириш мақсадида бир қатор қонун ҳужжатларига тегишли ўзгариш ва қўшимчалар киритиш тақдир қилинмоқда. Мазкур жараёнда партиямиз аъзолари фаол иштирок этишлари лозим бўлади. Чунки фуқаролик жамияти институтларининг асарияти ўз фаолиятини халқимизга хос бўлган қадрият ва аъналар руҳида олиб борилади. Уларнинг амалдаги тажрибаси ва тақдир қилинаётган қонунлар лойиҳаларида ҳам, албатта, миллиятимиз менталитетига хос хусусиятлар акс этиши лозим.

Пленумда сўзга чиққан Олий Мажлиси Қонунчилик палатаси депутати Арслон Эшмуродов партиянинг барча даражадаги тузилмалари томонидан Концепцияда белгиланган вазифалар юзасидан жойларда тушунтириш ишларини олиб бориш ҳамда мазкур жараёнда партия вакилларининг фаол иштирокини таъминлаш муҳимлиги таъкидлади.

Пленум сўнггида кун тартибидagi масалалар юзасидан тегишли қарорлар қабул қилинди.

НАМАНГАН: Ўзбекистон "Миллий тикланиш" демократик партияси Наманган вилоят кенгашининг навбатдан ташқари пленумида асосий эътибор давлатимиз раҳбари маърузасида белгиланган устувор йўналишлар, долзарб вазифаларни амалга ошириш ва бу борада партиянинг Ҳара-

кат дастурини ишлаб чиқишга қаратилди.

Тадбирда таъкидланганидек, Юртбошимиз томонидан олға сурилган мазкур Концепцияда давлат ҳокимияти тармоқларини, хусусан, парламентни янада ривожлантириш ва мустақамлаш, сиёсий партияларнинг жамиятдаги ролини ошириш, мамлакатимизда сайлов қонунчилиги оид ҳуқуқий механизмларни такомиллаштиришга қаратилган бир қатор янги қонунлар қабул қилиш ҳамда амалдаги қонунларга ўзгариш ва қўшимчалар киритиш тақдирлари билдирилди.

– Ўзбекистонда сайлов ҳуқуқ эркинлигини таъминлаш ва сайлов қонунчилигини ривожлантириш борасида ўзига хос тажриба тўплангани жабон ҳамжамияти томонидан ҳам эътироф этилмоқда, - деди пленумда сўз олган ЎЗМТДП Наманган вилоят кенгаши Ижроия Кўмитаси раиси Шўҳрат Деҳқонов. – Фуқароларнинг эркин сайлаш ва сайланиш ҳуқуқини амалга оширувчи демократик андозларга мос қатор қонунлар қабул қилиниши, натижада халқимизнинг ўз хоҳиш-иродасини эркин ифода этишининг, фуқароларнинг давлат ва жамият бошқарувидаги иштирокини таъминлашнинг мустақам ҳуқуқий кафолатлари яратилди. Шу боис ўтган давр мобай-

нида юртимизда самарали демократик сайлов тизимини шакллантириш ва ривожлантириш соҳасида ғоят чуқур ўзгаришлар амалга оширилди, десам муболаға бўлмади. Буларнинг барчаси миллий сайлов тизимининг изчил ва босқичма-босқич либераллашуви, Ўзбекистон Республикаси Олий Мажлиси ҳамда барча даражадаги вакиллик органларига сайловларнинг қонун талаблари ва умумэтироф этилган халқаро принцип ва нормаларга тўла мос ҳолда ўтказилишини таъминлайдиган мукамал қонунчилик базасининг шаклланишига олиб келди.

Маълумки, сиёсий партияларга берилаётган ваколатлар тобора кўпайиб бормоқда. Шундай экан, келгуси сайловларда партиямизнинг муносиб иштирокини таъминлаш учун амалий саъй-ҳаракатларни жонлантиришнинг талаб этилади. Бунинг учун, энг аввало, партиямиз сафани юксак салоҳиятли, интеллектуал даражаси юқори, эл-юрт орасида обрў-эътибор қозонган фидойи инсонлар ҳисобига кенгайтиришимиз лозим. Шу билан бир қаторда, келгуси сайловлар учун ҳозирданқо муносиб номзодларни саралаб боришимиз керак.

Пленум сўнггида Концепцияда белгиланган мустақиллигимизни мустақамлаш, халқимизнинг фаровон келажагини таъминлашга қаратилган тақдир ва йўналишларни кенг жамоатчиликка етказиш борасида ЎЗМТДП вилоят кенгаши олдида турган муҳим вазифалар белгилаб олинди.

Пленум кун тартибидagi масалалар юзасидан тегишли қарорлар қабул қилинди.

Ана шундай пленумлар ЎЗМТДП Тошкент шаҳри, Жиззах, Сирдарё, Навоий, Сурхондарё, Фарғона ва Хоразм вилоят кенгашиларида ҳам ўтказилди. Муҳокамада асосий эътибор Юртбошимиз томонидан тақдим этилган Концепциядан келиб чиқадиган устувор вазифалар, партия фаолиятини янада жонлантириш, аъзолар сонини ошириш, ўтган йилда йўл қўйилган камчиликларни бартараф этишга қаратилди.

Камолиддин ҲОТАМОВ, "Milliy tiklanish" мухбири



Ўзбекистон "Миллий тикланиш" демократик партиясининг Олий Мажлиси Қонунчилик палатасидаги фракцияси ва партиянинг "Ёшлар қаноти" ҳамкорлигида "Биз ёшлар: алкоголь ва тамаки маҳсулотларининг истеъмол қилинишига қаршимиз" мавзусида давра суҳбати ўтказилди. Унда Олий Мажлиси Қонунчилик палатасидаги ЎЗМТДП фракцияси ва Марказий Кенгаши аъзолари, Ўзбекистон Республикаси Соғлиқни сақлаш вазирлиги ва Республика Маънавият тарғибот маркази ходимлари, партия "Ёшлар қаноти" фаоллари, иқтидорли ёш рассомлар ҳамда ОАВ вакиллари иштирок этди.

ЁШЛАР**АЛКОГОЛЬ ВА ТАМАКИ МАҲСУЛОТЛАРИ ИСТЕЪМОЛИГА ҚАРШИ**

Тадбир иқтидорли ёш рассомларнинг ижод намуналари кўргазмаси намойиши билан очилди. Давра суҳбати ёшлар ўртасида соғлом турмуш тарзини кенг тарғиб қилиш, тамаки маҳсулотлари, спиртли ичимликлар ва гиёҳванд моддаларнинг инсон саломатлигига салбий таъсири ҳақида батафсил тушунча бериш, ёшларни турли иллатларга қарши юксак маънавият, миллий аънава ва қадриятларимизга ҳурмат, ўз халқига садоқат, Ватанга муҳаббат руҳида тарбиялаш ҳамда уларнинг буш вақтларини мазмунли ўтказишга қўмалашни мақсадида ташкил этилди.

Тадбирда таъкидланганидек, глобаллашув жараёнида инсон саломатлигига таҳдид солувчи хавфларни теран англаш, "аср вабоси" ҳисобланган гиёҳвандлик, спиртли ичимликлар истеъмол қилиш ва тамаки маҳсулотларини чекишнинг асо-ратлари ҳақида кенг жамоатчилик, айниқса, ёшларни доимий хабардор этиб бориш муҳим аҳамиятга эга.

Ёшлар ўртасида соғлом турмуш тарзини тарғиб қилиш, уларнинг тиббий маданиятини юксалтириш, бу каби муаммолар ва уларнинг олдини олиш масалалари Ўзбекистон "Миллий тикланиш" демократик партиясининг устувор вазифаларидан бири ҳисобланади. Бугунги кунда партия ташкилотлари

томонидан мунтазам ўтказиб келинаётган "Фарзандлари соғлом юрт – қудратли бўлур", "Соғлом авлод – соғлом келажақ", "Биз гиёҳвандликка қаршимиз", "Юрт ўғли", "Оила – никоҳ ва тиббий маданият", "Диний экстремизм, терроризм, гиёҳвандлик ва одам савдосига қарши курашиш", "Ёшларни ичкиликдан асрайлик" каби мавзу

ва шiorлар остидаги тадбирлар, давра суҳбатлари, форумлар ва спорт мусобақалари фикримиз далилидир.

Маърузачилар мазкур иллатларнинг бартараф этилиши ёшларнинг ҳам маънан, ҳам жисмонан камол топишига, ёшлар ўртасида соғлом турмуш тарзи шаклланишига, меҳнат унумдорлигининг ўсиши, меҳнат интизомининг мустақамлашиши ҳамда атроф-муҳит ҳимояси ва ёнғин хавфсизлигини таъминлашга қўмалашини алоҳида таъкидладилар.

Шунингдек, тадбирда иштирокчиларга Қонунчилик палатасида биринчи ўқишда қабул қилинган "Алкоголь ва тамаки маҳсулотлари тарқатилиши ва истеъмол қилинишини чеклаш тўғрисида"ги Ўзбекистон Республикаси Қонуни лойиҳаси ҳақида ҳам маълумотлар берилди. Таъкидланишича, мазкур Қонуннинг қабул қилиниши аҳоли соғлигини ҳимоя қилишда муҳим аҳамият касб этади. Шунингдек фуқароларнинг соғлигини сақлаш борасида мавжуд қонунчилик базаси янада такомиллашади. Қонуннинг қабул қилиниши алкоғолли ва тамаки маҳсулотлари истеъмол қилиш билан боғлиқ бўлган касалликларнинг камайишига ва пировард натижада мамлакат аҳолиси фаровонлигининг янада юксалишига олиб келади.

Тадбир сўнггида "Ёшлар қаноти" фаолларининг бадий чикишлари намойиш этилди ҳамда ёш рассомларга Ўзбекистон "Миллий тикланиш" демократик партиясининг қимматбаҳо эсдалик совғалари топширилди.

Камолиддин САИДУЛОВ, "Milliy tiklanish" мухбири



ПАРТИЯ ҲАЁТИ

САЛОМАТЛИК

ОИЛА МУСТАҲКАМ БЎЛСА

ЖАМИЯТ ФАРОВОНЛИГИ ТАЪМИНЛАНАДИ

ЎзМТДП Сирдарё вилояти кенгаши, "Маҳалла" жамғармаси вилоят бўлими билан ҳамкорликда "Юксак маънавиятли оила орқали юксак тараққиёт сари" мавзусида давра суҳбати ўтказди. Унда вилоят кенгаши аъзолари, партиядан маҳаллий кенгашларга сайланган депутатлар, "Аёллар қаноти", "Ёшлар қаноти" фаоллари ҳамда Гулистон Давлат университети талабалари иштирок этди.

Тадбирда таъкидланганидек, оила мустаҳкам бўлса, жамият ҳам фаровон бўлади. Шу боис давра суҳбатидида ёшларга қариндошлар билан тузилган никоҳнинг салбий оқибатлари, никоҳ ва саломатлик, оилада тиббий маданиятни ривожлантириш, репродуктив саломатлик ҳақида батафсил маълумотлар берилди.

Йиғилишда сўзга чиққан вилоят кенгаши Ижроия кўмитаси раиси ўринбосари Солижон Қудратов, депутат Фариза Эшмаматова, вилоят "Никоҳ уйи" мудири Гулҳаё Расулова, "Маҳалла" жамғармаси вилоят бўлими раиси ўринбосари Тошпўлат Ҳайитбоев, шоира Баҳор Холбекова оиланинг жамиятдаги ўрни, юртимизда оила манфаатларининг устуворлиги ҳақида тўхталдилар. Шунингдек, Вазирлар Маҳкамасининг 2003 йил 25 августдаги "Никоҳланувчи шахсларни тиббий кўрикдан ўтказиш тўғрисида"ги қарорининг вилоятдаги ижроси, ёшларни соғломлаштириш, уларнинг тиббий ва ҳуқуқий маданиятини юксалтириш борасида олиб борилаётган ишларни янада жонлантириш масалаларига эътибор қaratилди.

Давра суҳбатидан сўнг иштирокчиларнинг таассуротлари билан қизиқдик.

Бахринисо НОРЖИГИТОВА, ЎзМТДП Гулистон тумани Ижроия кўмитаси раиси, "Аёллар қаноти" аъзоси:

Юртобшиси оиланинг жамиятдаги мавқеини оширишга алоҳида тўхталиб, "Оила соғлом экан – жамият мустаҳкам, жамият мустаҳкам экан, мамлакат барқарордир", деган эди. Оила қуришнинг биринчи омили ёшларнинг оила ва никоҳ тушунчасини, унинг асосий мақсадини билишдир. ЎзМТДП сайловолди Ҳаракат дастуридан келиб чиқиб жамиятимиз асоси бўлган оиланинг моддий ва ижтимоий жиҳатдан мустаҳкам бўлишини таъминлашда партияимизнинг ҳар бир аъзоси фаол иштирок этиши лозим.

Сайёра ЮЛБАРСОВА, Гулистон Давлат университети талабаси:

Давра суҳбатидан катта маънавий озуқа олдим. Айниқса, оила ва никоҳнинг муқаддаслиги ҳақидаги тушунчаларим янада кенгайди. Соғлом оилани таъминлаш фақат ўз кўлимизда эканлигига ишончим ортди.

Анорбой НОРҚУЛОВ, "Milliy tiklanish" мухбири

ТАДБИР

Шуни алоҳида таъкидлаш керакки, армиянинг қудрати фақатгина унинг жанговар тайёргарлиги, ҳаракатчанлиги, энг янги қурол-яроғлар билан таъминлангани билан эмас, балки Куролли Кучларимиз сафлари профессионал тайёргарликка эга бўлган шахсий таркиб билан қай даражада тўлдирилгани, офицер, сержант ва аскарларнинг маънавий, ахлоқий-руҳий фазилатлари, уларнинг фаол ҳаётий позицияси ва қатъий эътиқоди, она - Ватан тақдири учун масъулият ҳиссининг нақадар юксак экани билан белгиланади.

Ислом КАРИМОВ

(Давоми. Боши 1-бетда)

Албатта, мустақил давлат энг аввало ўз миллий армияси, Куролли Кучларига эга бўлиши лозим. Бу мамлакат суверенитети ва ҳудудий яхлитлигини сақлаш, фуқароларнинг тинчлиги ҳамда ёш авлодни ватанпарварлик руҳида тарбиялашда муҳим аҳамият касб этади.

Ўзбекистон Республикасининг 1993 йил 29 декабрда қабул қилинган Қонунига асосан мамлакатимизда 14 январь санаси Ватан ҳимоячилари куни деб эълон қилинди. Ана шундан буён



Ўтган ҳафта Ватан ҳимоячилари куни ва Куролли Кучларимиз ташкил этилганлигининг 19 йиллиги мамлакатимиз бўйлаб кенг нишонланди. Маълумки, ҳар бир давлатнинг тинчлиги, осойишталиги ва равақи унинг армиясининг қудрати ва салоҳиятига боғлиқ. Куролли Кучларимизда амалга оширилаётган ислохотлар бевоқифа миллий манфаатларимиз ҳимояси йўлида хизмат қилади.

ЎзМТДП Бухоро вилоят кенгаши раҳбар ва фаоллари Ватанимиз ҳимоячилари бўлган аскар ва офицерларни байрам билан қутлаш мақсадида Бухоро шаҳридаги ҳарбий



АРМИЯМИЗ – ТИНЧЛИК ВА ОСОЙИШТАЛИК КАФОЛАТИ

Ўтган давр мобайнида юртимизда ҳарбий соҳада ҳам низоҳатда кенг қўланилиши ва мазмун-моҳиятига қўра улкан ислохотлар амалга оширилди. Бугун фахр билан айта оламизки, миллий армиямиз энг замонавий талабларга тўлиқ жавоб бера оладиган ва ривожланган давлатларникидан қолишмай-диган даражага етди.

Ўзбекистон "Миллий тикланиш" демократик партияси Марказий Кенгаши ва партиянинг Олий Мажлиси Қонунчилик палатасидаги фракцияси ҳамда Чирчиқ ҳарбий прокуратураси ҳамкорлигида Ватан ҳимоячилари куни муносабати билан ўтказилган байрам тадбирида шу ҳақда сўз юритилди. Унда ЎзМТДП фракцияси аъзолари, партия фаоллари, ҳарбий прокуратура ходимлари, офицерлар, сержантлар ва билим юртида таҳсил олаётган курсантлар иштирок этди.

Дастлаб Чирчиқ ҳарбий прокуратура, аслида подполковник Сайидбид Жураев юртимиз ижтимоий-сиёсий ҳаётида, жамиятни демократлаштириш ва мамлакатни модернизация қилиш жараёнларида парламентнинг ўрни ва роли ҳусусида батафсил тўхталиб, Шундан сўнг Олий Мажлиси Қонунчилик палатаси депутатлари қабул қилинаётган янги қонунларнинг мазмун-моҳияти, ҳарбийлар ҳуқуқ ва манфаатларига хизмат қилувчи қонун ҳужжатларининг аҳамияти ҳақида батафсил сўз юритишди.

ЎзМТДП МК ҳамда вилоят, шаҳар, туман кенгашлари томонидан ташкил этилаётган бу каби тадбирлар бугун Куролли Кучларимиз сафидида хизмат қилаётган мард ва жасур ўғлонларимизни шарафлаш, улар матонатини ёш авлодга иб-

рат ва намуна сифатида кўрсатиш фарзандларимизни ватанпарварлик руҳида тарбиялашга хизмат қилади, - деди фракция аъзоси Шухрат Деҳқонов. - Қолаверса, осуда ҳаётимиз ва барқарор тинчлигимизни таъминлаётган ҳарбийлар билан дилдан мулоқот қилиш, уларни парламентда кечаётган жараёнлар ва сиёсий партияларнинг фаолияти билан яқиндан таништириш, бир сўз билан айтганда, ҳуқуқий билимларини янада оширишга қўмаклашиш асосий мақсадимиздир.

Тадбирда Чирчиқ олий танк кўмондонлик муҳандислик билим юрти офицер ва курсантлари фаол иштирок этиб, депутатлардан ўзларини қизиқтирган саволларга жавоблар олишди. Шу билан бирга, янги қабул қилинаётган қонунлар юзасидан тақлиф-мулоҳазаларини ҳам баён этишди.

Истеъдодли хонандалар, ЎзМТДПнинг фаол аъзолари Одил Ёкубов ва Абдулла Убайдуллаевнинг она юрт, муқаддас Ватанини тараннум этувчи дилбар кўшиқлари байрам тадбирига ўзгача шуқуқ бағишлади.

Тадбир якунида Чирчиқ олий танк кўмондонлик муҳандислик билим юрти бошлиғи, подполковник Камолiddин Ширинов сўз олиб, тақдирчиларга самимий миннатдорчилик билдирди.

учун эртанги кунимиз эгалари бўлган ёш авлод ҳарбий билимларни чуқур ўрганишлари лозим.

Тадбир иштирокчиларини қисм қамондир, подполковник З.Иминов, лейтенант А.Дадабоев, кичик сержант Б.Исмаилов, оддий аскар И.Ибрагимов ҳам миллий армиямиз ташкил этилганлигининг 19 йиллиги билан табриклади.

Тадбир сўнггида партия томонидан ташкил этилган концерт дастури аскар ва офицерларга намоиш қилинди.

Маннон ОТАБОЙ, "Milliy tiklanish" мухбири

қилиш, партия депутатлик бирлашмалари фаолияти билан сайловчилар ва электоратни таништиришда партия матбуоти муҳим ўрин тутиши шубҳасиз. "Миллий тикланиш" газетаси ЎзМТДПнинг ягона матбуот нашри эканлиги ҳисобга олинса масала моҳияти янада ойдинлашади. Афсуски, айтиш шунданки партия бирда атиги 7 та, иккинчисиди 18 донга газетига обуна бўлинган, холос.

Сиёсий партияларнинг демократик ҳуқуқий давлат қуриш ва фуқаролик жамиятини шакллантиришдаги роли ва ўрни тобора ошаётган, кўпдан-кўп ҳуқуқ ва эркинликлар берилётган, инчунун улар зиммасидаги масъулият ҳам янада кучаяётган бир пайтда бундай зайл ва маромда ишлашни ҳеч нарса билан оқлаб бўлмайди. Зеро, бу лоқайдлик ва бепарволикдан ўзгача нарса эмас.

Шерзод ҚУРБОНОВ, "Milliy tiklanish" мухбири

ХРОНИКА

"ВАТАН ҲИМОЯЧИЛАРИ КУНИ"

ТАДБИРЛАРНИНГ АСОСИЙ МАВЗУСИГА АЙЛАНДИ

ТОШКЕНТ

ЎзМТДП Тошкент шаҳар Мирзо Улугбек туман кенгаши, Республика Маънавият тарғибот маркази, Ўзбекистон Республикаси Мудофаа вазирлиги, Ўзбекистон Ёзувчилар уюшмаси ҳамда Жаҳон иқтисодиёти ва дипломатия университети ҳамкорлигида "Ўзбекистон Республикаси Куролли Кучлари – юрт тинчлиги ва хавфсизлигининг кафолатидир" мавзусида маънавий-маърифий тадбир ўтказилди.

Ўзбекистон Республикаси Мудофаа вазири ўринбосари Тохир Ҳамроқулов Ватанимиз мустақиллигини, юртимиз барқарорлиги ва хавфсизлигини ҳимоялаш, халқимизнинг тинч ва осуда ҳаётига қарши қаратилган ҳар қандай тажовуз ва масъулиятли вазифаларни адо этишда Миллий Куролли Кучларимизнинг ўрни ва аҳамияти катта эканлигини таъкидлади.

Шунингдек, тадбир иштирокчилари томонидан "Ватанга қасамёд" мажмуасига гулчамбарлар қўйилди.

АНДИЖОН

ЎзМТДП Андижон вилоят кенгаши томонидан 14 январь – Ватан ҳимоячилари кунига бағишланган "Ардоғимдасан, Ватан!", деб номланган маданий тадбир ўтказилди. Унда халқ депутатлари вилоят, шаҳар, туман кенгашлари депутатлари, "Ёшлар қаноти", "Аёллар қаноти" етакчилари ва ОАВ вакиллари иштирок этди.

Халқимизнинг тинч ва фаровон ҳаёт кечириши, Ватанимиз сарҳадлари дахлсизлигини таъминлашда ҳарбийларимизнинг меҳнати бекиёс, - деди тадбирда сўз олган ЎзМТДП Андижон шаҳар кенгаши раиси Б.Зияев. - Зеро, Ватан ҳимояси муқаддас бурч эканини барчамиз чин юракдан ҳис этамиз. Она заминимизни эса мард ва жасур ўғлонларимиз қўриқлайди. Мазкур соҳа вакилларига ҳамиша омад ёр бўлсин.

Тадбирда "Ёшлар қаноти" ва "Аёллар қаноти" фаоллари томонидан тайёрланган бадий чиқишлар йиғилганларда катта таассурот қолдирди.

СИРДАРЁ

ЎзМТДП Сирдарё вилояти кенгаши "Аёллар қаноти" ва "Ёшлар қаноти" ҳамкорлигида "Ўзбек йигитининг ори баланддир" шиори остида тадбир ташкил этилди. Унда вилоят кенгаши Ижроия кўмитаси девонининг "Аёллар қаноти" ва "Ёшлар қаноти" етакчилари, "Сайхун зиё низоҳати" ҳарбий спорт мактаби ўқитувчилари ва тарбияланувчилари, партия фаоллари иштирок этди.

Ёшларимизга Ватанини севиш, уни қадрлаш туйғусини синдириб бориш ҳеч қачон ўз аҳамиятини йўқотмайдиган вазифадир, - деди вилоят кенгаши "Аёллар қаноти" раҳбари Н.Нурбоева. - Шу боис Ўзбекистон "Миллий тикланиш" демократик партияси ўз Ватанини севаган ва унинг миллий, маънавий қадриятларини ҳурмат қилувчи ёшларни ҳуқуқий демократик давлат қуриш ва фуқаролик жамиятини шакллантиришдаги етакчи куч, бошлаган ишларимизнинг давомчиси деб билади.

Тадбирда сўзга чиққанлар ёш авлоднинг сиёсий, ҳуқуқий саводхонлигини янада ошириш, мустақил диёримизнинг келажаги бўлган ёшларни Ватан сарҳадларини қўриқловчи мард ва жасур чегарачилар, юрт посбонлари бўлиб улғайишга муносиб ҳисса қўиш ҳар бир инсоннинг бурчи эканлигини таъкидлади.

Тадбир фикр-мулоҳаза ва савол-жавобларга бой тарзда ўтди.

14 январь – Ватан ҳимоячилари кунига бағишланган ана шундай тадбир Тошкент Олий ўмуқўшун кўмондонлик билим юртида ЎзМТДПнинг Олий Мажлиси Қонунчилик палатасидаги фракцияси, партия Марказий Кенгаши Ижроия Кўмитаси ва Ўзбекистон Республикаси Мудофаа вазирлиги ҳамкорлигида "Мардлар қўриқлайди Ватани" шиори остида ўтказилди.

Ўз мухбиримиз

ЎЗ-ЎЗИНИ ТАНКИД

Ҳар қандай сиёсий партия жамиятдаги мавқеини ошириши, ўз дастурида белгиланган мақсад ва вазифаларни кенг оммага етказиши, хайрихоҳлар ва аъзолар сафини кенгайтириши, ўз электорати манфаатларини ҳимоя қилиши учун тарғибот-ташвиқот ишлари муҳим ўрин тутати.

Ўзбекистон "Миллий тикланиш" демократик партияси Устави ва дастурида миллий ўзликни англашни юксалтириш, миллий гуруҳ, Ватанга садоқат ва муҳаббат туйғусини шакллантириш ҳамда мустаҳкамлаш учун қўлай шароитлар яратиш, ўз сафидида юртининг ватанпарварларини бирлаштириш, уларнинг интеллектуал ва ижодий салоҳиятини Ўзбекистон манфаатлари ҳамда унинг халқаро обрў-эътиборини ошириш йўлида сафарбар этиш, ёшларни ўз Ватанини ҳурмат қилиш, севиш ва у билан фахрланиш, ҳар қандай шароитда миллий мустақиллигини, халқнинг

қадриятлари, анъаналари ва урф-одатларини асраш ва ҳимоя қилиш руҳида тарбиялаш, шунингдек унинг маънавий эҳтиёжлари ва қизиқишларини чеклашга бўлган уринимларга қарши курашишга таъсирчан ҳисса қўиш каби мақсад ва вазифалар белгиланган.

Партия Дастури ва вазифалари доирасида бир қатор амалий ишларни бажариб келмоқдамиз, - дейди ЎзМТДП Қашқадарё вилоят кенгаши Ижроия кўмитаси девони раҳбари Тўйғун Дўстқобилов. - ЎзМТДП вилоят кенгаши таркибида 13 та туман, 1 та шаҳар кенгаши мавжуд.

ЛОҚАЙДЛИК

ИЛДИЗ ОТМАСИН

Ҳозирда жами аъзоларимиз сони 8137 нафарни ташкил этади. 35 та бошланғич ташкилот фаолият кўрсатади. Хотин-қизларни касб-хунарга йўналтириш, миллий хунармандчилик фаолиятини қўллаб-қувватлаш, тарихий ва маданий меросимизни асраб-авайлаш каби мавзуларда турли анжуманлар ўтказаяпмиз. Шу ўринда алоҳида таъкидлаш жоизки, ЎзМТДП Миришкор, Косон ва Қарши туман кенгашлари электорат манфаатларини ҳимоя қилиш, партиядан сайланган депутатлар гуруҳи ҳамда БПТлар билан яқин ҳамкорлик ўрнатишга эришмоқда. Мазкур партия ташкилотлари ўтказилаётган тадбирларда савия, самара ва таъсирчанликка эътибор қаратмоқда. Лекин бундан вилоятдаги барча

партия ташкилотларининг амалдаги ишлари кўнгилдагидек экан-да, деган хулосага келмаслик керак. Мисол учун ЎзМТДП Шахрисабз ва Нишон туман кенгаши томонидан бир йил давомида ўтказилган тадбирлар сони 20 дан ошмайди. Бунга ҳам чидаш мумкин, лекин ўрганишлар шуни кўрсатмоқдаки, ўтказилган тадбирлар мавзуси, мазмун-моҳиятининг партия дастурига мувофиқлик даражаси ҳам кўнгилдагидек эмас. Айтиш шунданки партия аъзолик бадалли режаси ҳам ўлда-жўлда бажарилган. Масалан, бу кўрсаткич Шахрисабзда 39,3, Нишон туманида эса 67 фоизга етган, холос.

Партия дастурий мақсад ва гоёларини кенг омма орасида тарғиб

ИЖТИМОИЙ-СИЁСИЙ ҲАЁТ

НИГОҲ

(Давоми.
Боши 1-бетда)

Орол ҳамма қатори бизнинг ҳам дардимиз. Бу ҳудудга қилинган зиёрати-миз боис қўзғоғи тушираётганларидан шу муқаддас Ватан бағрида шукроналик билан яшаётган миллионлаган жонлардан биттасининг кўнглидан кечган розларидир.

1. ЙЎЛ

Амударёга сахар-мардонда етиб келдик. Кечувдаги хизматчилар иссиқ кийимларига ўрашиб олишган. Уларнинг юз-кўзларига ўрнашган чанг, ҳаракатларидаги ҳорғинлик тунни бедор ўтказётганларидан дарак бериб турибди. Кечув паттасини қўзларига олган ҳайдовчилар машиналарни дарё томон бурадилар. Дарё дарёда. Ҳар гал кенг май-

*Йўлга қара, йўлда юрарлар кетди,
Бошла ўзинг, бошда юрарлар кетди.
Қавмингга бориб ҳолини сўра,
қил йўқлов,
Йўқлаб сенинг ҳолини сўрарлар кетди.*

Денгизнинг чекиниши оқибатида беш юздан ортиқ кема, йиллига йигирма миллион шартли банка маҳсулоти ишлаб чиқарадиган Мўйноқ балиқ заводи фаолиятини тўхтатди. Ўн мингдан зиёд мутахассис иш жойини ташлаб бошқа ҳудуддан ризқ-насиба излашга мажбур бўлди. Бир сўз билан айтганда денгиз ва унинг атрофи ҳувиллаб қолди...

ОРОЛЬЎЙИГА САФАР

донда ястаниб оқаётган бу наҳри азим билан юзма-юз келганда инсон қалбини чуқур ҳаяжон, яқин қадрдонини учратгандаги каби ҳис ва яна қандайдир илғаб бўлмас туйғулар қамраб хаёлни олиб қочади. Мана ҳозир, чап кирғоққа тўш уриб қишнинг тиниқ осмониди чарақлаб турган юлдузлар шуъласи билан ўйнаб оқаётган дарё қанчадан қанча сир-синоатлар гувоҳи. Унинг жонбахш сувларида юрт ишқида от суриб ташна қалбларини қондирган ботир суворийлар қанчаю, ипакдай кокиларини ювиб муаттар буй таратган сулувлар қанча?

Кечувнинг шундай ўнг биқинида қад ростлаётган маҳобатли кўприк қурувчиларнинг малакасида, давлатимизнинг қудратли салоҳиятидан дарак бериб турибди. Улкан бу қурилишга хисса қўшаётганнинг, аввало, ўз юракларида ўйғонган инсоний туйғуларининг бир-бирига улашиб-ўлғайиб ватанпарварлик даражасигача кўтарилиши нақадар қувонарли. Қолаверса, замондошларимизнинг иродаси ҳамда ақл-идрокиннинг ёрқин кўриниши сифатида кўтарилаётган бу каби кўприклар ҳақиқатан ҳам тарихий мажмуа бўлиб соҳилларни соҳилларга, йўлларни йўлларга, дилларни дилларга боғлашда давом этиб қанчадан-қанча авлодларга хизмат қилади.

Тонг оқара бошлаганида Беруний туманининг шох бекатида қорақопгистонлик қаламқаш дўстимини Янгибой Қўқоров билан учрашгач, Орол сари йўлга тушдик. Машинани Янгибойнинг кичик ўғли Ҳаётбек бошқариб борибди...

— Оллаберган оға, фотиҳага қўл кўтариб йўл юрунгни бошла юборсангиз, - дедим.

— Илоҳо сафаримиз бехатар бўлсин, йигитлар, - деди "Хоразм ҳақиқати" ва "Хорезмская правда" бирлашган таҳририятининг бўлим мудири Оллаберган Ражабов. — Тўғриси айтсам, Қора денгиз, Болтиқ ва Каспий денгизлари суварига қўйилиш насиб этган эса-да, ўзимизнинг Орол бўйига қадамим етмаганди. Мана, бу армоним ҳам ушаладиган бўлди.

— Раҳматли устозимиз Матназар Абдулҳаким ва Қадамбой огадан миннатдор бўлаверинг, - деди Янгибой. — Уларни Оролга олиб боришга ваъда бергандим. Шу "қарз"ни мана энди узишга тўғри келди. Афсус, устоз ҳамроҳ бўлолмадилар.

— Чиндан сафимизда Матназар бўлганида нур устига нур бўларди, - деди Оллаберган оға шоиримизнинг қўйдаги мисраларини эсларкан:

*Кун янглиг бир одамман,
Учмоққа иштиёқман...
Қилмагунимча парвоз,
Осмон мени тинч кўймас.*

Ҳа, Матназар ҳар замонда бир келадиған истеъод эгаси, катта адабиётнинг қаноти толаси, нигоҳи ўткир шунқори эди.

— Устоз бир шеърида лутф

қилганлариди, - деди Я.Қўқоров «Ишинг бўлса гулдираб турсин. Ишинг бўлса турсин жаранглаб», - деган ўзигагина хос бўлган қаттиқ талаб-меzonга риоя қилиб қалам тебратдилар.

— Қадамбой, хаёлга берилиб қолдингиз, - деди Оллаберган оға. — Назаримда сиз ҳам Оролга илк бора сафар қиялсиз.

— Шундай. Икки кундан бери тинмай Орол ҳақида ўйлапман. Худди бобокалоним билан учрашувга бораётган одамдай ҳаяжондаман, узоқ вақт вале-неъматиди олдиға ташриф буюрмаган кишидай изтиробдаман. Ҳазрат Пахлавон Махмуднинг:

*Йўлга қара, йўлда юрарлар кетди,
Бошла ўзинг, бошда юрарлар кетди.
Қавмингга бориб ҳолини сўра,
қил йўқлов,
Йўқлаб сенинг ҳолини сўрарлар кетди.*

майс энг йирик Борсақелмас, Возрождение, Беллинггаузен ва Лазарев ороллари ҳам қуруқлик билан туташиб, ярим оролга айланишини айтишган. Ҳозир Орол суви йигирма тўрт метрга қамайиб, денгиз бир юз етмиш беш километрга чекинган. Ҳар йили бу ҳудуддан ҳавога саксон минг тоннага яқин туз ва чанг кўтарилишини ҳисобга олсак Оролнинг қандай дардга чалинганини ҳис қилиш мумкин.

Денгизнинг чекиниши оқибатида беш юздан ортиқ кема, йиллига йигирма миллион шартли банка маҳсулоти ишлаб чиқарадиган Мўйноқ балиқ заводи фаолиятини тўхтатди. Ўн мингдан зиёд мутахассис иш жойини ташлаб бошқа ҳудуддан ризқ-насиба излашга мажбур бўлди. Бир сўз билан айтганда денгиз ва унинг атрофи ҳувиллаб қолди... Бу айтишга осондай туюлади. Лекин шу ерни Ватан тутган, ўз тирикчилигининг ризқ-насибасини шу ерда теришга аҳд қилган инсонларнинг кўнгли-чи.

Мўйноқликлар қўл қовуштириб ўтирганларича йўқ. Қарийб ўттиз минг киши истикомат қиладиган туманда йигирма беш минг бош қорамол, йигирма мингдан зиёд қўй-қўзи боқияпти. 2010 йилда 700 тоннадан зиёд галла ва бошқа қишлоқ ҳўжалиги маҳсулотлари олинди.

— Мўйноқ мамлакатимизнинг кон саноати ривожланган ҳудуд-

бўйи севинганидан, денгизга ҳаёт суви оқиб келаётганидан ором не эканини унуттишди. Ҳа, Оролга сув кела бошлади. Лекин ҳалибери кум барханлари ўрнида мовий тўлқинлар ўйнамаслигини ҳам тушунаемиз. Аммо сув келди-ку. Шайтон ноумид бўлса ҳам одам боласи боумидир.

Олтимиш ёшларни қоралаган ҳамроҳларимиз Жангабой билан Оролбеклар шу ерда ўсиб-ўлғайишган. Орол билан кунда "қўл олишиб" юрган бу икки дўстнинг бугун босиқ қадам ташлашларини, феълларида пайдо бўлган камгапликни тушуна бўлади.

— Сув ота-боболаримизнинг қони ва жони бўлган. Амударё ўзанларининг беридан нарибери икки юз метрга масофада жойлашган Зойир овулида яшардик, - ҳикоя қилади Жангабой, - 1963 йили юз берган тошқиндан кейин Шегелига ўтдик. Шегелига дайғиш хавф солган Усқойдан паноҳ топдик. «Паноҳ» сўзини мен ўрнида ишлатолмадим, чоғи. Аслида ерли аҳоли учун тошқин ва дайғишлар қанчалик хавф солмасин, биз ҳақиқий паноҳни денгиздан, ҳар қандай вазиятда ҳам сирлаша оладиганимиз Оролдан излардик. Балки кимгадир эриш туюлар, лекин бизнинг аждод-авлодларимизнинг отаси ҳам, онаси ҳам шу денгиз бўлгани рост.

— Болалигимизда ўрнимиздан туришимиз билан денгизга қараб чопардик, - сўзга қўшилди Оролбек, - кучли шамол эсган кунлари Орол остонамизгача етиб келар, бироқ уларимизга раҳна солмасди. Энди у биздан анча йироқлаб, кундан-кунга хаёлга айланиб бормоқда.

— Илк бор денгизнинг ҳайбати, маҳобати билан юзма-юз келган дамларингизни эслай оласизми, - сўраймиз Оролбекдан.

— Мен Орол билан ёнма-ён ўсган одамман. Денгиз, таъбир жоиз бўлса, биз учун соч-соқоли кумуш рангга айланган бобокалон эди. Унинг бағрида истаганча эркаланиб, шўхликлар қилар эдик. Шу боис денгизнинг маҳобатини ҳис қилсак-да, хавф солувчи ҳайбатини сезмаганмиз. Тўғриси, бу ҳақда ўйламаганмиз ҳам... Етмишинчи йилларга келиб денгиз вазмин-торта бошлади. Бирор узоқроққа сафарга кетсак чўпдан-тошлардан ўлчовлар белгилаб кетардик. Қайтиб келганимизда ўлчовларга тўлқинларнинг «қўли» етмаётганини кўргач,

Одамларимиз янги касб-корлар билан боғлиқ кўникмаларни ўзлаштирмоқдалар. Лекин мўйноқликнинг бир кўзи ҳаммаша сувда эканлиги ҳам кундай равшан. Аҳолининг хоҳиш-иродасини ҳисобга олиб балиқни қайта ишлаш корхонаси фаолиятини тиклаш кун тартибига қўйилмоқда. Ҳозир етмиш минг АҚШ доллари қийматидаги замонавий асбоб-ускуналарни сотиб олиш юзасидан амалий ишлар давом эттирилмоқда.

ларидан бирига айланиб боряпти, - дейди туман ҳокими Жарлиқап Турсунбеков икки бир қониқ кўз ўнгимизда йўқолиб бораётган кекса уммон бизни қандай қабул қиларкан... Тагин, Тожикистондаги, Роғун ГЭСи атрофидаги гап-сўзлар-чи? Тани бошқа дард билмас, деганлари шу экан-да.

Поклик ва поклишми. Қалб илм ва амал билан, жон қафаси бўлиши тэн эса сув билан покланади, яйраб-яйнайди. Трансцендент гавий ҳаёт ришталари ҳисобланган дарёлари гайриқонуний, гайриминорий тарзда бўғишга чоғланаётганлар миллионлаб инсонларнинг тақдирлари билан ўйнашаётганликларини, ўз орақ-булоқларининг кўзларини берлатиётганликларини, қалбларга тоза ҳаво олиб кирувчи ҳаёт томиларига "тўғон" кураётганликларини ҳамда ўз ҳаётларига-да хавф солаётганликларини билалдиларми?... Лоақа, сувга ташна, имдодталаб Орол, хариталардагина номи қолаётган денгиз ҳақида ҳеч ўйлайдиларми?

Яна йўлдами. Бизни сахро кемалари, шу ерининг иқлимга мослашган бир ўрқачли туялар хорғин кузатишади. Улар машинани кетидан худди нимадандир аразлаган болакайдай қалин лунжларини осилтириб лўкиллашади. Биз текис йўлга чиқиб, энди Орол сари юзлангандик.

2. КўНГИЛ ТЎЛҚИНИ

Олимлар Орол денгизининг суви бир метрга қамайса, унинг беш фоиз майдони қуруқликка айланиши, йигирма метрга ка-

ҚОНУНЧИЛИК ПАЛАТАСИДА

ҚИШЛОҚ ХЎЖАЛИГИДАГИ ХУҚУҚИЙ АСОСЛАР

ЯНАДА ТАКОМИЛЛАШАДИ ВА УЛАРНИНГ ИЖРОСИ УСТИДАН НАЗОРАТ-ТАХЛИЛ КУЧАЙДИ

Олий Мажлис Қонунчилик палатаси Аграр ва сув масалалари қўмитасида "Фермер хўжалиқларининг молжойий-иқтисодий муносабатларига оид қонунчиликни бугунги кун талаблари даражасида такомиллаштириш масалалари" мавзусига бағишланган давра суҳбати ташкил этилди.



Муҳтарам Юртбошимиз томонидан "Кичик бизнес ва хусусий тадбиркорлик йили" Давлат дастури қабул қилиниши юзасидан белгилаб берилган устувор йўналишларда, биринчи навбатда, кичик бизнес ва хусусий тадбиркорлик субъектларининг ҳуқуқ ва манфаатларини ҳимоя қилиш, ушбу соҳа ривожини учун янада кенг йўл очиб бериш мақсадида мавжуд норматив-ҳуқуқий базани танқидий нуқтаи назардан қайта кўриб чиқиш, янги қонун ҳужжатларини қабул қилиш масаласи диққат марказида бўлиши даркорлигига алоҳида эътибор қаратилди. Яна бир муҳим масала кичик бизнес ва хусусий тадбиркорлик соҳаси учун солиқ ва бошқа тўловлар босирасида қулайлик ва енгилликлар яратилиш билан боғлиқ эканлиги ҳамда бу борада амалга оширилаётган ишларимиз билан чекланмасдан, кичик бизнес субъектларига ишлаб чиқаришни модернизация қилиш ва технологик янгилаш учун ўрта ва узоқ муддатга мўлжалланган кредитлар бериш тизимини янада такомиллаштириш, мавжуд муаммоларнинг ечимини бўйича амалий чора-тадбирлар кўришини зарурлиги ҳам таъкидланди. Айниқса, кичик бизнес ва хусусий тадбиркорлик субъектларининг таъшиқ иқтисодий фаолият соҳасида иштирок этиши, уларнинг минтақа ва жаҳон бозорларига чиқишини кенгайтириш муаммосини ҳал

этишга жиддий аҳамият қаратиш лозимлиги қайд этилган. Бугунги кунда мамлакатимиздаги иш билан банд аҳолининг 74 фоиздан ортиғи кичик бизнес ва хусусий тадбиркорлик соҳасида меҳнат қилмоқда ва айнан шу соҳа, юртимизни тараққиёт йўлидан фаол ҳарақатлантирадиган кучга айланиб бормоқда. 2010 йилнинг ўзига кичик бизнес ва хусусий тадбиркорлигини ривожлантириш ҳисобидан 480 мингта янги иш ўрни очилган ва энг муҳими, ушбу иш ўринларининг 60 фоиздан ортиғи, мамлакатимиз аҳолисининг 50 фоизга яқини яшайдиган қишлоқ жойларда ташкил этилган. 2010 йил якуни мамлакатимиз ялпи ички маҳсулотининг қарийб 55 фоизи кичик бизнес ва хусусий тадбиркорлик субъектлари томонидан ишлаб чиқарилиши қўйилмоқда. 2000 йилда эса бу кўрсаткич 30 фоизни ташкил этган ҳолос.

Давлат томонидан фақатгина 2004-2010 йиллар давомида сув ҳўжалиги тизимларини эксплуатация қилиш, ерларни мелiorатив ҳолатини яхшилаш, сув ҳўжалиги иншоотларини қуриш ва реконструкция қилишга, ерларнинг сув таъминотини яхшилаш ҳамда сув билан қабул қилиш таъминлаш ишларига катта эътибор қаратилиб, ушбу тадбирларга қарийб 5 трлн. сўм маблағ йўналтирилган пахта ҳосилдорлиги 2003 йилга нисбатан 4,9 ц/га, галла ҳосилдорлиги эса 9,5 ц/га кўпайга-

нида яққол намоён бўлди. Тадбир иштирокчилари томонидан эришилган ютуқлар қатори соҳада ўз ечимини тўла топмаган айрим муаммолар, фермер хўжалиқлари иқтисодий ва моддий-техник томонидан етарли даражада таъминланмаётгани, фермер хўжалиқлари аъзоларининг касбий маҳоратини ошириш каби масалалар ўз ечимини топмаганлиги хусусан, мамлакатимиз қонунчилигида фермер хўжалиқларининг ерга мустақил эгаллик қилишга оид мавжуд ҳуқуқий нормалар ижроси ҳамда уларни такомиллаштириш ҳақидаги фикрлар билдирилди. Фермер хўжалиқларида иш юритишнинг экстенсив ва интенсив технологияларини қўллаш ҳақидаги ҳуқуқий нормалар қонунчиликнинг очилмаган қирралари сифатида эътироф этилди.

Соҳага оид қонунчиликка, жумладан Ўзбекистон Республикасининг "Фермер хўжалиги тўғрисида"ги, «Дехқон хўжалиги тўғрисида»ги ва «Давлат ер кадастри тўғрисида»ги Қонунлари, ҳамда «Ер кодекси»да фермер хўжалиқларига оид ҳуқуқий муносабатларни янада такомиллаштириш, қонунларда белгиланган нормаларнинг тегишли вазирликлар, қўмиталар ва муассасалар ҳамда вилоятлар ҳокимликлари томонидан ижро этилиши юзасидан назорат-таҳлил ишлари олиб боришга қаратилган тегишли тавсиялар қабул қилинди.

ЖАРАЁН

ИСЛОҲОТЛАР

САМАРА БЕРМОҚДА

Иштихон тумани Оқдарё билан Қорадарё ораларида жойлашган. Одамлари танти ва меҳнатқаш. Иштихонда асосан сувли ерларда деҳқончилик қилишади. Шу боисдан бўлса керак туман бозорларида мева ва сабзавотнинг нархи нисбатан анча арзон бўлади.

Иштихонда пахта ва галла етиштириш бўйича деҳқончилик мактаби шаклланган. Кўп узоққа бормаилки, 2010 йилда туман галлакорлари гектари 66,5 центнер ҳосил олиб, режани 127 фоизга адо этишди. Президентимизнинг республика галлакорларига йўллаган табриғида туман галлакорлари алоҳида тилга олинди.

Истиклол йилларида туманимизда деярли барча соҳада турдан тўзғаришлар рўй берди, - дейди туман ҳокими, ЎзМТДПдан вилоят кенгаши депутати Шухрат Негматов. - Туманда, айниқса, сўнгги уч йил ичида барча соҳаларда белгиланган прогноз кўрсаткичлари тўлиқ бажарилаяпти. Нартифада, аҳоли турмуш тарзи фаровонлашиб бормоқда. Шунингдек, туманнинг молиявий аҳоли ҳам яхшиланиб бораётганини кузатиш мумкин. Тумандаги Қорақўйли, Полвон, Қулчара, Қўлжамол, Тўябойовул сув насослари тўлиқ таъмирланиб, бугун кўнглимизда пайдо бўлган анча вазмин тўлқинларнинг эрта-га мовий денгиз эпкинларига айланиб, озурда дилларга қувонч ва шодлик улашганини кўргинг келарди. Иншооллох, шундай бўлади!

Қадамбой СОЛАЕВ, Ўзбекистонда хизмат кўрсатган маданият ходими, Рўзбой МАТКАРИМОВ, "Milliy tiklanish" мухбири

бизнес субъектларига 3 млрд. 25 млн. сўмлик кредит маблағлари ажратилди. Уларнинг 1 млрд. 714 млн. сўми ёки 56,7 фоизини узоқ муддатли кредитлар ташкил этади. Амалга оширилган лойиҳаларнинг 3 таси озиқ-овқат маҳсулотлари, 2 таси балиқчилик соҳаларига йўналтирилди.

Тумандаги Иштихон, Фафур Гулом ва Қият маҳаллалари қокори босимли газ қувурлари билан таъминланиб, газ таъминоти яхшиланишига эришилди.

Истеъмол товарлари ишлаб чиқариш 22,3 фоиз, жумладан, озиқ-овқат маҳсулотлари 25,3 фоиз, нооziқ-овқат маҳсулотлари 23,1 фоизга ўсди. Иштихон тиббиёт коллежи учун 200 ўринли ётоқхона, 1 та янги спорт зали қуриб битказилди. Бундан ташқари 3 та ичимлик суви объекти, 1 та ҳарбий қақурув қабул пункти қуриб фойдаланишга топширилди. Маҳаллий бюджет ҳисобидан 14 км. ички йўллар таъмирланди. Қишлоқ жойларида 3 та чакана савдо, 1 та умумий овқатланиш, ўнга яқин маиший хизмат объектлари ташкил этилди.

Туманда 18890 тонна картошка, 24547 тонна сабзавот, 11792 тонна мева, 37981 тонна узум, 3453 тонна полиз, 9845 тонна гўшт, 22,6 минг дона туҳум, 51959 тонна сут тайёрлан-

ди ва ўтган йилга нисбатан ўсиш суръати таъминланди. 2 та балиқчилик фермер хўжалиги, 2 та нон ишлаб чиқариш корхонаси ишга туширилиши ҳисобига 21 та янги иш ўрни ташкил этилди.

Қишлоқ ҳудудиди 3 та мавзедан намунавий лойиҳалар асосида 42 та уй-жой қуриб битказилди. Янги йил арафасида яна 16 та уй-жой фойдаланишга топширилди.

Президентимизнинг 2007 йил 18 майдаги "Ёш оилаларни моддий ва маънавий қўллаб-қувватлашга доир қўшимча чора-тадбирлар тўғрисида"ги Фармони ижроси юзасидан туманда талай ишлар амалга оширилаяпти. Бу борада айниқса, туман хотин-қизлар қўмитаси, "Оила" илмий-амалий марказининг туман бўлими, сиёсий партиялар, "Қамолот" ЁИХ туман кенгаши ва маҳалла фаоллари томонидан узулуксиз тарғибот-таъвиқот ишлари олиб боришмоқда. Тумандаги тижорат банкларига микрокредит сўраб келаётган ёш оилаларнинг аризалари қаноатлантириб келинаяпти.

"Кичик бизнес ва хусусий тадбиркорлик йили"да туманда аниқ мақсадга қаратилган чора-тадбирлар белгиланган. Бу ўринда, албатта сиёсий партияларнинг туман кенгаши ҳам ҳар томонлама қўмақ беришлари шубҳасиз. Туман миқёсида ёшларни иш билан таъминлаш, жумладан, касб-ҳунар коллежларини тамомлаётган ёшлар бандлигига эътибор қаратиш асосий вазифалардан саналади. Шунингдек, маҳаллий ҳомашёдан замонавий дастгоҳлар воситасида экспортбон тайёр маҳсулотлар ишлаб чиқариш, янги иш ўринларини ташкил этиш ҳам бугунги куннинг энг муҳим вазифалари сирасига қиради.

О.ХОЛИҚУЛОВ, "Milliy tiklanish" мухбири

МАЪНАВИЯТ

(Давоми.
Боши 1-бетда)

● МУАММО ВА ЕЧИМ

Уяли телефонларнинг пайдо бўлиши эса жамият ҳаётини қанчалик ўзгартириб юборганини тасаввур қилиш қийин эмас. Яқинларидан ҳол-аҳвол сўраш, энг зарур пайтларда жуда тезлик билан керакли маълумотни олиш, истаган макон ва вақтда боғлана олиш имконияти унинг афзалликларидан айрим нишонлар, ҳолос.

Мамлакатимизда бундан 10 йиллар аввал пайдо бўлган дастлабки "сотка"ларда суҳбатлашиш ва SMS жўнатиш мумкин эди. Бугун эса мазкур техниканинг хизматлари ҳатто интернетни ҳам ортада қолдирди. Уяли алоқа компаниялари томонидан таклиф этилаётган хилма-хил хизматлар – об-ҳаво, қўшиқлар, валюта курси, спорт ҳақида маълумотлар, дўстлар билан танишиш, дил изҳорлари, ўйинлар, латифалар, турли табрикномалар ҳар қандай инсонни, айниқса, ёшларни ўзига оҳанрабодек жалб этиши мумкин. Хўш, тараққиётнинг бундай кўриниши ёшларимиз тарбиясига нечоғли таъсир этмоқда? Бу борада жамият қандай йўл тутуши лозим?

УЯЛИ ТЕЛЕФОН УЯТГА ҚЎЙМАСИН

Бокижон ТЎХЛИЕВ,
филология фанлари
доктори, профессор:

– Дарҳақиқат, яқин-яқинларда ҳам туман ёки қишлоқдан вилоят маркази ёхуд пойтахтга кетган яқинлари билан гаплашиш учун «шаҳарлараро телефон алоқаси», деган ёзув осилган дўконнамо идора олдига соатлаб, баъзан кўнлаб кутганлар оғирлиги? Бугун бу муаммолар эртаққа айланди. Ўртимизнинг исталган гўшасида фақат бир-бири билан эмас, балки бошқа вилоят, мамлакат, ҳатто қитъадаги яқини, таниши, суҳбатдоши билан ҳам бир лаҳзада мулоқотга кириша олиш имконияти ҳеч қимми ажаблантирмайди. Аммо энди бошқа масалалар пайдо бўлмоқда, бошқа чигалликларни ечиш зарурати кўндаланг бўлаётди. Шулардан бири телефон мулоқоти билан боғлиқ телефон маданияти ёки сўзлашув маданияти муаммосидир.

Гап фақат тўғри ва чиройли сўзлаш, адабий тилнинг қонун-қоидаларига риоя этиш, она тилимизнинг софлигини асраш-авайлаш, унинг бой имкониятларидан ўринли фойдаланиш устидаги бораётгани йўқ. Гап телефондаги мулоқотларнинг мавзулари устида бормоқда. "Сотка" айрим ноҳиё, ношоён, уятли, бошқаларнинг қулоғига етса ноқулайлик пайдо қиладиган гап-сўзларнинг мулоқот жараёнидаги фалоллашуви устида бораётди. Бу кўпроқ уяли телефоннинг ёзма шакли – SMS, MMS ва бошқа хизматларга дахлдор. Афсуски, бундай мавзулардаги суҳбатларнинг эгалари асосан ёшларимиз бўлиб турибди. Бу кишини жиддий мулоҳаза юритишга ундайди.

Дейлик, телефонда уят маъносига эга бўлган сўзлардан иборат бўлган матнни юбориш ва уларни ўқиш жараёнида орага яна бир киши – учинчи иштирокчи (синфдош, ака, ука, опа, сингил, ота-она...) кирса, ўша ёзувни ёзган ва буни ўқийётган кишида руҳий ноқулайлик бўлмайdimи? Албатта, бўлади.

Ҳадиси шарифларда бир яхши ҳикмат бор. Унда шундай дейилади: «Бошқаларнинг олдига қилишга уяллаганин ишни яқка ҳолда, ҳеч қим кўрмаётганда ҳам қилишдан уяллагани киши ҳақиқий мўминдир». Демак, инсоннинг биринчи ва мутлақ назоратчиси унинг ўзи, унинг виждони, ор ва номуси бўлиши керак! Энг аввало шуни айтиш лозимки, ҳар бир шахс, у катта ёки кичик бўладими, қилаётган ишини ўзи билиши, улар учун ўзи жавоб бера олиши керак. Ана шу масъулият ҳиссига эғалик унинг ҳар бир ҳаракати, одимларини ҳам бошқариб туради.

Демак, биз ёшларимизнинг онги, дунёқарши, тасаввур ва тафаккурини муносиб йўлларда давом этиши учун ёрдам

Миллий тикланишнинг асосий принципи — халқ маънавиятини тиклашга қўмаклашувчи анъаналар ва ижтимоий тараққиёт бирлиги принципини ҳаётга жорий этиш, юксак маънавиятчи ва ахлоқли, эркин, масъулиятчи, қиммат инсонни тарбиялашга ҳар томонлама қўмаклашишдан иборат.

Ўзбекистон "Миллий тикланиш" демократик партиясининг сайловолди ПЛАТФОРМАСИдан



ли лавҳалар, бошқотирмалар ишлаб чиқилса айна мудида бўларди.

Раъно МУҲАММАДИЕВА,
дизайнер
(Тошкент шаҳри):

– 8-синфда таҳсил олаётган ўғлим қўл телефони олиб беришимизни сўради. Эмишки, барча ўртоқларида бўлгани учун унда ҳам бўлиши керак. Яхши кунларда хизмат қилсин, дея олиб бердик. Ўғлим қўлидан телефонни қўймасдан турли ўйинлар, видео лавҳалар, қўшиқлар билан овора бўлди.

Хато қилдимми, дея қўқувга ҳам тушдим. Ахир, 14-15 ёшдаги бола нотаниш бўлган қимсалар билан мулоқотда бўлса, ҳар қандай ота-она хавф-

Темур МИРЗАЕВ,
Тошкент шаҳар,
Шайхонтоҳур тумани
"Жангоҳ" маҳалласи
фаоли:

– Шуни ҳам унутмаслик лозимки, таъқиқланган, чекланган нарсаларга нисбатан қизиқиш ортса ортадики, асло қамаймайди. Бу фақат ёшларга тегишли хусусият эмас. Инсон табиати асли шундай. Демак, таъқиқлаганимиз сари болага акс таъсир кўрсатаверамиз. Биласизми, менимча, болалар бу босқичдан ўтиши керак. Майли, у телефондаги бор хизматлар-у ўйинлардан фойдаланиб кўрсин. Бу хизматлар аслида нимага олиб келишини ўзи тушуниб етиши лозим. Отананинг, устозларнинг бу ўриндаги вазифаси болага олий бир мақсад "топиб бериш". Токи, бола дейлик, инглиз тилини ўрганиб, етук мутахассис бўлиб етишиш учун тинимсиз ўқисин, ўргансин ва бундай майда "юмушлар"га вақт сарфлашни ўзига эп билмасин.

ТЕЛЕФОН ХИЗМАТЛАРИ

ЁШЛАР МАЪНАВИЯТИ, АХЛОҚИГА НЕЧОҒЛИ ТАЪСИР ЭТМОҚДА?


Беришимиз керак. Зеро, Президентимиз таъкидлаганидек, «Турмуш маданияти, маънавият шундай нарсаси, у болаликдан, боғча ёшидан инсоннинг тарбиясига қирган тақдирдагина ижобий бир натижа беради». Айримлар болаларнинг қўлидан уяли телефонларни мутлақо олиб қўйиш, уларга бу воситадан фойдаланишни узил-кесил таъқиқлашга тарафдорлик билдирмоқда. Бу йўл, назаримизда, тўғри йўл эмас. Зеро, таъқиқ қанча кучли бўлса, истак шунча баланд бўлади. Бир пайтлар интернетдаги ҳар хил тазйиқ ва таҳдидларнинг олдини олиш ҳақида гап кетганида, уни тамомла таъқиқлаш ҳақидаги таклифлар ҳам бўлган, шунда Давлатимиз раҳбари Исмоил Каримовнинг шундай мулоҳазалари ўртага тушган эди: «Интернетни ёпиб қўйиш, ундан фойдаланишни таъқиқлаш – мутлақо аҳмоқона иш. Лекин биз болаларимизни шундай тарбиялашимиз керакки, улар интернет бозорига кирганда фақат ўзи учун зарур нарсани олсин. Ўғил-қизларимизга интернетдан, ахборотдан фойдаланиш маданиятини ўргатишимиз зарур».

Назаримизда, уяли телефонлардан фойдаланишда ҳам мана шундай юксак даражадаги маданият зарур. Уни ўрганиш ва ўргатиш жараёнилари эса таълим-тарбия муассасалари, маҳалла, оила, ота-оналар, кенг жамоатчилик биргаликда, ҳамжиҳатликда ҳал этилиши тақозо этмоқда. Келинг, шу йўлда ҳам бир-биримизга яқинлашайлик, қўлни қўлга берайлик.

МАЙДА "ЮМУШ"

Дилором АХМЕДОВА,
ўқитувчи (Қўқон шаҳри):

– Ўқувчиларнинг қўл телефонлардан фойдаланишларини чеклашга қанча уринмайлик, ота-оналарга тушунтирмайлик чеклашни иложи бўлмаяпти. Дарсда ҳам вақт тоғди, дегунча телефонни титқилайди. Китеб ўқиш ўрнига телефондаги турли маъно-мазмунсиз тасвирлар, қўшиқларни ўз телефонида кўчиришга ҳаракат қилади. Истардимки, шу телефондаги маълумотлар ёшларнинг билим олишига, таълим-тарбиясига муносиб хизмат қилса. Тақлифим, ҳозир абонентлар учун тақдим этилаётган турли хизматлар қаторига хорижий тилларни ўрганишга йўналтирилган қизиқар-



сираши шубҳасиз. Фарзандимни бу йўлдан қандай қайтариш билмай қолдим. Қўлидан телефонни олиб қўйсам, жаҳл устида яна бирор ноҳиё ишга қўл урмасмикан? Хуллас, кўнглим хотирламок эмас. Ўғлимнинг айтишича, деярли барча синфдошлари қўл телефонидан ана шу тарзда фойдаланар экан. Назаримда, болаларда қўл телефонидан фойдаланиш маданияти ва кўникмаларини шакллантириш биз ота-оналарнинг зиммасидаги масъулиятдир. Бунда нафақат тушунтириш, энг аввало ўзимиз ибрат кўрсатишимиз зарур.

Назарбек МУСТАФОВЕВ,
Тошкент Молия ва
иқтисодиёт коллежи
талабаси:

– Баъзи тенгдошларим қўл телефони орқали 0932 рақамига қўнғирок қилиб танишувлар хизматида қиради. У ерда ўзи ҳақида маълумотлар қолдиргач, мазкур хизматдан фойдаланганда бошқа абонент у ҳақида маълумотни ўқиб қизиқиш билдирар экан. Ва улар билан мулоқотга киришади. Кўп вақтини шундай ўтказиб ўтқонларимга "бунинг нимаси қизиқ, қандай фойдаси бор?", деб сўрасам, улар гарчи ўзини кўрмаса-да, овози ёққанганда суҳбатлашини айтди. Қарангки, ушбу рақамга шаҳар телефони орқали тушиб бўлмайди. Шу боисдан, айрим тенгқурларим тушуниб ва бошқа зарур нарсалардан пулини тежаб, телефонга сарфлайди. Уларнинг бу эрмагига дастлаб мен ҳам қизиқдим. Аммо бу орқали вақтим беҳуда ўтиши, ҳам маънавий, ҳам моддий жиҳатдан таъсир қилиши мумкинлигини тушундим. Ундан кўра, ҳар қаққани ганимат билиб, ўқиб-ўрганишим лозим.

Суҳбатни "Milliy tiklanish" мухбирлари Бехбўд БОТИРОВ ва Дилфуза РЎЗИЕВА уюштирди

● ТАДҚИҚОТ

ЯНГИ АВЛОД ДАРСЛИКЛАРИ

ТАЪЛИМНИНГ СИФАТИ ВА САМАРАДОРЛИГИГА ХИЗМАТ ҚИЛАДИ

Таълим жараёнининг сифати ва самарадорлигининг юқорилиги дарслик, қўлланма ва услубий адабиётлар билан таъминланганлик даражаси билан ҳам белгиланади. Замонавий дарсликлар давлат таълим стандартлари талаблари асосида яратилмоқда.

Ҳозирги кунда мутахассислик фанларидан давр талаби асосида яратилган пухта ўқув адабиётлар ўқувчилар ва талабалар эҳтиёжини қондирмоқда. Маълумотларга қараганда, 2008 йилда ўқув адабиётлари нашр қилиш қарийб 30 миллион нусхага етган. Уларнинг ҳар томонлама мукамал, фан асосларини етарлича қамраб олган, сифатли, тушунарли, раван бўлиши учун барча чоралар кўрилади.

Ўзбекистон Миллий университетининг олимлари жамоаси томонидан таникли тилшунос олимлар профессорлар Ҳ.Неъматов ва Р.Сайфуллаева масъул муҳаррирлигида яратилган «Замонавий ўзбек тили. 1-жилд. Морфология» дарслигини ўзбек тилининг ўзига хос хусусиятларини давр талаби асосида ўқитишни назарда тутган янги авлод дарслиги дейиш мумкин. Дарсликда морфологиянинг ўрганилиши араб, форс, Европа, миллий тилшунослигимизда яратилган илмий тадқиқотлар, дарслик ва қўлланмаларни чуқур таҳлил қилиш, давр талабини ҳисобга олиш асосида баҳолаш билан талабаларга энг зарур маълумотларни жамлаган ҳолда етказиб бера олади. Талаба морфология соҳасидаги тадқиқотлар ҳақида дарсликнинг дастлабки саҳифаларидаёқ маълумот олади, яъни бу соҳада бош-

қа илмий ва ўқув манбаларини излашга маълум даражада ҳоҳат қолмайди.

Истиқлол йилларида ўзбек тилшунослигида олиб борилган илмий-тадқиқотлар ҳам сифат, ҳам миқдор жиҳатидан олдинги йилларга нисбатан бир неча баравар илгарилар кетди. Структур тилшунослигининг субстанциал йўналиши ютуқлари тил илмининг барча жиҳатларини атрофлича тадқиқ қилиш, маълумотларни тўла изоҳлаш, етказиб бериш ва амалиётда қўллашга имконият берди. Мазкур дарслик олдингиларидан замонавий билимлардан унумли фойдаланилганлиги билан ажралиб туради. Талаба, биринчидан, морфологиянинг ўрганилиши, тадқиқот усуллари ҳақида умумлашма маълумотни ўрганса, иккинчидан, замонавий тилшунослигининг ютуқлари асосидаги билимга эга бўлади, учинчидан, морфологиянинг ўзига хос бўлган сўз туркумлари, яъни феъл, от, тадқиқотлар, дарслик ва қўлланмаларни чуқур таҳлил қилиш, давр талабини ҳисобга олиш асосида баҳолаш билан талабаларга энг зарур маълумотларни жамлаган ҳолда етказиб бера олади. Талаба морфология соҳасидаги тадқиқотлар ҳақида дарсликнинг дастлабки саҳифаларидаёқ маълумот олади, яъни бу соҳада бош-

Дарсликда ўзбек тилшунослигининг тараққиёт босқичлари, морфологиянинг ўрганилишига оид қимматли маълумотлар билан бирга грамматик категория ва грамматик маънога тегишли назарий маълумотлар

ҳозирги давр тилшунослиги ютуқлари асосида берилган. Сўз туркумлари бўйича тегишли назарий маълумотларнинг фактлар билан асосланган ҳолда ниҳоятда ихчам, яхлит, тушунарли баён этилиши морфология соҳасида дарсликларнинг янги авлоди яратилганлигидан далолат беради.

Республикаимизнинг деярли барча олий таълим муассасаларида филология, ўзбек тили ва адабиёти ихтисосликлари бўйича таҳсил олаётган талабаларга «Ҳозирги замон ўзбек тили» фани ўқитилади. Мазкур курсни давр талаби асосида ўқитишда «Замонавий ўзбек тили» дарслиги муҳим қўлланма бўла олади. «Морфология» соҳаси бўйича 1-жилдда берилган фан асослари келгуси иккинчи қисмида ҳам давом эттирилиши, тегишли мавзулар бўйича билимлар яхлит ҳолда, тизимли, изчил баён қилиниши лозим. Шунинг учун, биринчи навбатда, «Замонавий ўзбек тили. Морфология» номли дарсликни қайта, ададини кўпайтириб, нашр этиш ва 2-жилдда ҳам чоп қилиш чораларини кўриш билан талабаларнинг тил илминдан янги авлод дарсликларига эга бўлишига имконият яратилади. Бу хайрли иш эса, муҳтарам Президентимизнинг давр талабига мос дарсликлар яратиш бўйича талабларига ва «Таълим дарсликдан бошланади», деган қоидаларига тўла мос бўлади.

Абдували АБДУСАИДОВ,
СамДУ ўзбек
тилшунослиги
кафедраси мудири,
филология фанлари
доктори, профессор

Барқарор молиявий ҳамкор билан фаровон келажакнингизни яратинг.

АГРОБАНК



омонатларида маблағингизни кўпайтиринг!

➤ МИЛЛИЙ ВАЛЮТАДА

“Қамолот” “Мустақиллик-2010” “Талаба”

➤ ЧЕТ ЭЛ ВАЛЮТАДА

“Юксалиш” “Самара” “Самара-плюс”

Омонатга бўш пул маблағларингизни Агробанкнинг исталган филиалига қўйишингиз мумкин. Агробанк омонатларига қўйилган пул маблағлари декларация қилинмайди ҳамда омонатчи ва унинг пул маблағлари ҳақидаги маълумот банк сирли ҳисобланади.

Қўшимча маълумот учун 150-53-65, 150-67-47 телефон рақамларига мурожаат этишингиз мумкин.

ЖАРАЁН

2011 йил 19 январь, чоршанба

ТАЪЛИМ

Сўнгги ўн уч йил ичида мамлакатимизда Кадрлар тайёрлаш Миллий дастури бўйича улкан ишлар амалга оширилди. Айниқса, ўрта махсус, касб-ҳунар таълими тизими бугун нафақат ёшлар, ота-оналар, юртдошларимиз, балки хорижлик мутахассислар томонидан ҳам ёш авлод вакиллари мустақил ҳаётга йўловчи энг мақбул тизим сифатида эътироф этилмоқда.

МАКТАБ ВА КОЛЛЕЖ

ҲАМКОРЛИГИ ЙЎЛГА ҚЎЙИЛМОҚДА

Биз Боғишамол sanoat касб-хунар коллежи ҳаёти билан танишар эканмиз, ўқитувчи ва ўқувчиларнинг кайфияти кўтаринки эканлигига амин бўлдик. Сабаби, Ислон тараққиёти банки лойиҳаси асосида коллежнинг 540 ўринга мўлжалланган янги ва замонавий биноси қурилатган экан. Ёшларни касб-хунарга йўллаш, уларга касб сирларини пухта ўргатиш бўйича намунали ишлар йўлга қўйилган. Коллежда металл кесувчи дастгоҳлар, пайванд конструкциялар ишлаб чиқариш, автотранспорт воситаларига техник хизмат кўрсатиш ва таъмирлаш, ҳисоблаш машиналари мажмуалари тизимлари, электр тармоқлари ва жиҳозларини ишлатиш, бухгалтерия ҳисоби, тикувчилик ва ишлаб чиқариш

каби мутахассисликлар бўйича ёшларга таълим бераётган ҳар бир ўқитувчининг мавзулар бўйича маъруза матнларини коллеж кутубхонасига қўйиш одат тусини олган. Мазкур матнлардан ўқувчи мустақил ўзлаштириш пайтида унумли фойдаланиши мумкин. Коллежда таҳсил олаётган ёшларнинг касб-хунари сирларини мукамал эгаллашларида амалиётнинг ўрни жуда муҳим. Шу боис, таълимни ишлаб чиқариш корхоналарида амалиёт орқали мустақамлашга ҳаракат қилаяймиз. Ўйлаймизки, бу қутилган натижани беради, - дейди ЎзМТДП фаоли, газетанинг вилоятдаги жамоатчилик кенга-



ши аъзоси Алишер Бўлтаков.

Муассаса ҳақида сўз юритар эканмиз, ёшлар ва аҳолининг сеvimли масканига айланиб улгурган коллеж ахборот-ресурс маркази хусусида алоҳида тўхталиб ўтиш жоиз. Марказ учун алоҳида хоналар мавжуд. Китоб ва кўргазмаларга махсус шинам ва кўркам хоналар ажратилган. Бу ерда янги адаби-

ётлар, турли кўргазмали стендлар ўрин олган. Бундан ташқари 20 ўринга мўлжалланган дарсхона ҳам мавжуд.

Мактаб битирувчиларини таълимнинг кейинги босқичига жалб қилиш мақсадида амалга оширилаётган ишлар ҳам ибратлидир. Бу ерда бўлаётган ҳар бир тадбирга фақат коллеж болалар бегонасираб ўтириш-

мактаб ўқувчилари ҳам жалб этилади. Бу эса ўз навбатида ўқувчиларда коллежга нисбатан қизиқиш уйғотади. Қолаверса, шу йўл билан биз коллеж-имизда ўқишга лойиқ ёшларни кўз остига олиб қўямиз. Бунинг яна бир фойдали жиҳати шундаки, эртага мактабни битириб коллежга қадам қўйган болалар бегонасираб ўтириш-

майди. Яқиндагина мактаб ва коллеж ҳамкорлигида ўтказилган тадбирлар, "Очиқ эшиклар кунин", "Касбим менинг - фариш менинг" каби танловлар ана шундай мақсадларга хизмат қилади, десак муболага бўлмайди.

Ориф ХОЛИҚУЛОВ,
"Milliy tiklanish" мухбири

ИСТЕЪДОД

Болалик завқи билан тўлиб-тошган қизалоқ ҳар гал ҳовли чеккасидаги айвон саҳни ва дараза тоқчаларида ярашиқли қилиб қўйиб чиқилган сон-саноқсиз гул-ваклардаги турфа хил гиёҳларга боқаркан уларнинг жозибаси ўзига ром этади.

Гиёҳларнинг хушбўй иси, хилма-хиллиги ва ям-яшилликдан баҳра оларкан унинг мурғак қалбидан шەърый мисралар қўйилиб кела бошлайди:

Гулзорнинг кўригига,
Кўрк қўшан аттигулар.
Менинг нафис кўнглимга
Ифори, мушкун улар.

Сиз-ла дилим чароғон,
Атирсуху, райҳоним.
Мастман ҳуш бўйиғиздан
Нурафшон қалб осмоним.

Кезиб юрибман атай,
Ҳуш ёқар мушк, анбарлар.
Борис, обод гулзорим
Сиз-ла шому саҳарлар.

У меҳр билан ўтқазиб парвариллаётган гуллар айни киш фаслида ҳам қийғос очилиб, чечакларининг хушбўй иси бу ерга келиб-кетувчиларни оҳанрабо-

дек ўзига тартади. Уларнинг кўринишини фасллар алмашинуви ҳам ўзгартираолмайди. Хоналарда хушбўй гулларнинг 100 дан зиёд тури мавжуд бўлиб, бизнинг ҳам диққат-эътиборимизни жалб қилди. Айниқса, бекиёс ёрқинлиги билан алоҳида ажралиб турувчи нилуфар гули ноёб ҳисобланиб, бизни маҳлиё қилиб қўйди. Чиннигул, сунбула ва айикпанжалар ҳам баравж ўсиб ривожланмоқда. Шунингдек, райҳон, апельсин гули ва кўнгирак гулларининг ҳам ёқимли иси бизга хуш ёқди.

Жиззах шаҳридаги 1-умумтаълим ўрта мактабининг 9-"Е" синф ўқувчиси Ирода Жаъфарова ўсимликларсиз табиат бир бутун бўлмаслигини яхши англаган ҳолда ҳовлисидаги гул ва чечакларни парваришладан асло чарчамайди. Ўзи таълим-

НАВҚИРОН АВЛОД

ОРЗУЛАРИ ҚАНОТ ҚОҚАДИ

тарбия олаётган ўқув даргоҳида ҳам у синф хоналарини гулзорга айлантириш ва яшилликка буркаш учун тиним билмайди. Бу каби юмушларда дугоналари Комила Эшбекова, Зарина Исроилова ва Зухра Тўйчиевалар яқиндан кўмак беради.

Ирода дарсдан сўнг бўш пайтларида қийғос очилган гуллар ва яшилликни қўриб баҳри-дили очилиб кетади ва чарчолари ёзилди. Бир сўз билан айтганда ўсимликлар олами қизалоққа чексиз завқ-шавқ, қувонч, шодлик ва илҳом бағишлайди. Улардан қувват олади. Дилида янги шەърый сатрлар тугилади.

Дарвоқе, Ирода қизимиз болаликданок дарсдан бўш пайтларида ижод билан машғул бўлди. Шەърлар мавзусининг аксарияти она табиат, дов-дарахт ва ўсимликлар олами ҳисобланади. Ҳозирга қадар унинг "Опоқтонг", "Укамга", "Баҳор соғинчи", "Нафис капалак" каби ўн бешдан

зиёд шеърлари республика вақт-ли матбуотларида ёритилди. "Нафисгинам капалак" (2010 й.) тўплами чоп этилди. У бир неча марта янги авлод болалар ижодиёт фестивали ёш қаламкашларининг "Нафосат" анжуманида фаолиштирок этиб фахрий ёрлик ва эсдалик совғалари билан тақдирланди. 2010 йил 23-27-май кунлари республика "Камалак" болалар ташкилотининг "Ватан, дўстлик ва ҳақпарварлик учун" шиори остидаги анъанавий IX анжуманида иштирок этиб, диплом билан тақдирланди.

Ирода Жаъфарова Жиззах шаҳар "Камалак" болалар ташкилоти сардорлар кенгаши раиси сифатида ҳам турли тадбирларга бош-қош бўлаётти. Ўзи таълим олаётган ўқув даргоҳида шонли саналар, муҳим ва унутилмас кунларга бағишланган китоб ярмаркаларини ўтказиш, унда янги адабиётларни кўпайтириш ҳамда адабий кеча ва

эртиқлар ўтказишда ҳам ташкилотчилик намуналарини кўрсатиб келаяпти.

Иқтидорли ўқувчи Ирода Жаъфарова тенгдошлари ўртасида спортнинг шахмат тури бўйича ҳам пешқадам. У 2009 йил "Камолот" ЁИХ Марказий Кенгаши томонидан ўтказилган "Камолот шахмат тахтаси" республика мусобақаси қатнашчиси. 2010 йил январь ойида Жиззах шаҳрида бўлган 1994-1996 йилларда тузилган ўсимлар ўртасидаги вилоят спартакиадасида қатнашиб, биринчи даражали диплом билан тақдирланди. Шу йили Тошкент шаҳрида Халқор болаларни ҳимоя қилиш кўнига бағишлаб шахмат бўйича ўтказилган мусобақада эса иккинчи ўринни эгаллаб, диплом билан тақдирланди. 2009 йил "Умидниҳоллари" спорт мусобақалари республика босқичи иштирокчиси ҳисобланади. Қисқаси, у спортнинг шахмат бўйича тўрт карра вилоят чемпиони бўлиб, бир неча марта диплом ва медалларни кўлга киритишга муваффақ бўлган.

Ирода ўз устиди тинмай ишлаб, изланаркан китобларни уларнинг турлари, мақсад-мавзулари ва аҳамиятига қараб ўрга-

нади. Ҳозирда унинг шахсий кутубхонасида 500 дан зиёд бадиий адабиётлар бўлиб, улардан синфдошлари ҳам фойдаланиб келишади. Дадаси Бобур олий маълумотли иқтисодчи, онаси Нодира шу мактабда маънавий-маърифий ишлар бўйича директор ўринбосари лавозимида ишлайди. Ота-она билимга чанқоқ фарзанди Иродани мунтазам рағбатлантириб, китоб-улкан мўъжиза, уни кўп ўқиган киши ҳаётни янада теранроқ англашини ўқитиб борадилар.

Ирода Жаъфарова 2010 йил 22-28 ноябрь кунлари Дўрмонда бўлган ёш ижодкорларнинг республика ўқув семинарида қатнашиб бахтига муяссар бўлди. Яқинда у таълим йўналиши бўйича "Миллий истиқлол ғоясини тенгдошлар онига сингдириш" мавзусида Зулфия номидаги Давлат мукофоти учун бўлган вилоят кўрик-танловида мутлоқ ғолиб деб топилиб, навбатдаги республика босқичига йўлланма олишга муваффақ бўлди. Иқтидорли қизимиз Иродага омад ёр бўлишини истаб қоламиз.

Абдулла САИДОВ,
Жиззах вилояти

КИНФИР
ИШНИНГ ҚИЙИГИ...

САВДО
ЎХШАМАДИ

Нодира Султонова асли Тожикистон Республикаси фуқароси. У 2010 йилнинг 30 март кунини белгиланган тартибни бузган ҳолда Сирдарё вилоятининг Тожикистон Республикаси билан чегарадош ҳудудларидаги айланма йўллар орқали юрти-мизга кириб келган.

У шу куннинг ўзида Тошкент шаҳридаги ҳамтовоклари билан телефон орқали гаплашиб, пойтахтга йўл олади. Бу пайтда Нодиранинг ёнида бир неча минг қалбаки АҚШ долларлари бўлиб, режага кўра уларни ҳақиқийсига пуллаши керак эди. Бу ишда унга пойтахтлик Насиба исми аёл ёрдам қўлини чўзади. Олмасор метро бекати яқинида Н.Султонова фуқаро Н.Ташаҳжаева билан учрашиб, унга ўзида мавжуд 3600 сохта АҚШ долларини 50% қийматидаги ҳақиқий 1800 АҚШ долларига пуллайди. Савдо "пишгач", секингина жуфтани ростлаб қолмоқчи бўлганида департаментнинг Тошкент шаҳар бошқармаси тезкор ходимлари томонидан қўлга олинади. Экспертиза натижалари Султонованинг долларлари қалбаки эканлигини тасдиқлайди. Далиллий ашё сифатида олинган ҳақиқий АҚШ долларлари давлат фойдасига мусодара қилинди. Қарамоғида воёга етмаган фарзандлари бўла туриб, жиноят кўчасига кирган Нодира Султонова эса Ўзбекистон Республикаси Жиноят кодексининг тегишли моддалари билан айбдор топилиб, 3 йилга озодликдан маҳрум қилинди.

ЗАҲАРЛИ
ОҚҚАНД

Учтепа туманида зўр-базўр ҳаракатланаётган ВАЗ 2103 ҳарқандай одамнинг диққатини тортиши аниқ эди. Сабаби, унга 560 кг. оққанд ортилганди.

Ходимларимизнинг тезкор тадбири орқали ушбу махсулотлар эгаси К.Пирматов (исми-шарифи ўзгартирилган) белгиланган тартибда рўйхатдан ўтмай, хавфсизлик талабларига мутлақо тўғри келмайдиган ҳолатда назорат қилинмайдиган фойда олишни қўлаб иш юритаётгани аниқланди. У ўз тушунтиришларида шундай дейди: "сен-тирбўй ойдан бўён ўз уйим ертўласида яширин равишда оққанд махсулоти ишлаб чиқараман. Ҳар кунини ўртача 500-600 килограмм тайёр махсулотларни "Ўрикзор" бозоридаги автомобиллар тўхташ жойида сотаман...". К.Пирматов ўз кўрсатмасида ҳар кунини ўртача 10 000 сўмдан, феолияти давомда жами 1 200 000 сўм соф фойда кўрганини айтиб ўтди. Афсуски, фақатгина қорнини ўйлаб, ўзгалар соғлигига беэътибор бўлган "тадбиркор" қилаётган иши ўта оғир гуноҳ эканини тан олғиси келмади. Бироқ, экспертиза натижалари унинг ишлаб чиқараётган махсулотлари таркибида кўрғошин ва оғир металл тузлари керагидан ортқ микдорда эканини кўрсатди. Маълумки, ушбу модда инсон организмига тушганида, ошқозон-ичак системаси феолиятини бузиши, қонга сўрилиши натижасида сунруклани заҳарланишни келтириб чиқариши, шунингдек, буйрак феолиятининг бузилишига олиб келиши мумкин.

Бош прокуратура хузуридаги СВОЖДЛК Департаменти Тошкент шаҳар бошқармаси

БАНК ХИЗМАТИ

КРЕДИТЛАР ҲАЖМИ ЯНАДА КЎПАЯДИ



Иқтисодиётнинг устувор йўналиши этиб белгиланган кичик бизнес ва хусусий тадбиркорлик субъектлари феолиятини ҳар томонлама ривожлантириш, уларни молиявий қўллаб-қувватлаш, сифатли банк хизматларини тақлиф этиш борасида банкнинг алоҳида тадбирлар режаси мавжуд. Ушбу режага асосан янги махсулотлар ишлаб чиқариш, ички бозорни тўлдириш, шунингдек, хорижга экспорт қилиш учун қўшимча шарт-шароитлар яратилди. 2010 йилда банк томонидан жами 3000 га яқин турли мулкчилик шаклидаги кичик бизнес субъектлари, хусусий тадбиркорлар, деҳқон ва фермер хўжалиқларида самарали банк хизматлари кўрсатилиб келинмоқда. Банк хизмат қилидиган 35 та хўжалик субъектига тадбиркор аёллар раҳбарлик қилади. Ўзбекистон Республикаси Президентининг 2004 йил 25 майдаги "Ўзбекистон

хотин-қизлар қўмитаси феолиятини қўллаб-қувватлаш борасида қўшимча чора-тадбирлар тўғрисида"ги Фармони асосида банк томонидан 2010 йил давомида 111,0 млн. сўмлик кредитлар ажратилди. Жумладан, ёш оилаларга ажратилган кредитлар миқдори 102,0 млн. сўмни ташкил қилди. Масалан, Музаффар Мадраимовга 45,0 млн. сўмлик ипотека, Фаёза Тураевага 6,0 млн. сўм миқдориди истеъмол кредити ажратилди.

Президентимизнинг 2009 йил 26 январдаги "Озиқ-овқат махсулотлари ишлаб чиқаришни кенгайтириш ва ички бозорни тўлдириш юзасидан қўшимча чора-тадбирлар тўғрисида"ги қарори ижросини таъминлаш мақсадида республика аҳолисини озиқ-овқат махсулотларида бўлган эҳтиёжларини барқарор таъминлаш, ички истеъмол бозорини мамлақати-



мизда ишлаб чиқарилган озиқ-овқат махсулотлари билан бекам кўст тўлдириш, қишлоқ жойларда замонавий, юқори унумли техника ва технология билан жиҳозланган қайта ишловчи иҳам корхоналарни барпо этиш, янги иш жойларини шакллантириш ва аҳолини иш билан таъминлаш мақсадида банк томонидан 3080,0 млн. сўмлик кредитлар ажратилди. Ушбу кредитлар асосан ишлаб чиқариш корхоналари учун замонавий технологиялар сотиб олишга йўналтирилди.

Шунингдек, Президентимизнинг 2009 йил 28 январдаги "Маҳаллий ноозиқ-овқат истеъмол товарлари ишлаб чиқаришининг кенгайтирилишини рағбатлантириш борасидаги қўшимча чора-тадбирлар тўғрисида"ги қарори ижросини таъминлаш мақсадида банк миқозлари томонидан рақобатбардор юқори сифатли ноо-

зиқ-овқат истеъмол товарлари ишлаб чиқаришни кўпайтириш ва турларини кенгайтиришни рағбатлантириш, ички истеъмол бозорини янада тўлиқроқ бойитиш, тайёр ноозиқ-овқат товарлари ишлаб чиқарувчи янги, маҳаллий корхоналарни ташкил этиш ҳамда мавжудларини модернизациялаш, техник ва технологик жиҳатдан қайта жиҳозлаш мақсадида банк томонидан 830 млн. сўмлик кредитлар ажратилди.

Нақд пул маблағларининг банкдан ташқари айланмасини қисқартириш, нақд пулсиз ҳисоб-китоблар тизимини такомиллаштириш борасида ҳам банк томонидан изчил феолият юритилди. Жисмоний шахслар ўртасидаги нақд пулсиз ҳисоб-китоблар ҳажмини ошириш, молия бозорида пластик қарточкаларга асосланган замонавий усулни тақлиф этиш масаласига жиддий эътибор қара-

тилди. Хусусан, муомаладаги банк пластик қарточкалари 5789 тани, банк хизмати, савдо ва пуллик хизмат кўрсатиш объектларида фойдаланилаётган банк терминналари 173 тани ташкил этди.

Банк миқозлари бўлган 206 та корхона ва ташкилот билан ҳамкорликда "Иш ҳақи лойиҳаси" доирасида амалга оширилаётган тадбирлар пластик қарточка эгаларига банк чанак хизматлар бозорининг фаол иштирокчисига айланиш, нақд пулларни банк айланмасига жалб этиш ва уларни самарали жойлаштириш имконини бермоқда. "Иш ҳақи лойиҳаси" га йўналтирилган банк пластик қарточкалари сони 3095 тани ташкил қилади.

Банк филиаллари телекоммуникация тармоғи бугунги кун талабига мос ҳолда ривожланиб бормоқда. Масалан, банкнинг ягона ахборот тизим доирасида ички ахборот оқими самарали бошқариш ва рационал ташкил этишга эришилди. Миқозларни жалб этувчи замонавий ахборот-коммуникация технологиялари асосланган "SMS-банкнинг", "Интернет-банкнинг", "Банк-миқоз" каби интерактив банк хизматлари тизимидан фойдаланиш даражаси бир неча марта ошди. 2010 йилнинг 1 июнь ҳолатига "Интернет-банкнинг" ва "Банк-миқоз" тизимлари жорий қилинган миқозлар сони 100 тадан ошди. Ҳозирги кунга келиб "SMS-банкнинг" хизмат туридан миқозлар ҳам фойдаланмоқда.

Шўхрат МАМАТОВ,
"Ўқтамбанк" ОАТБ
бошқаруви раиси
ўринбосари



Гап кредитлар ҳақида борар экан, банкимизнинг бу борада 2010 йил давомида қилган ишлари, эришган натижалари хусусида гапиришни лозим топдик.

2010 йил давомида кичик бизнес субъектларини молиявий қўллаб-қувватлаш мақсадида банкнинг ўз маблағлари ҳисобидан ажратган жами кредит миқдори 16,8 миллиард сўмни ташкил этди. Бунинг ҳисобига 200 дан ортқ янги иш ўринлари ташкил этилди. 2011 йилнинг 1 январь ҳолатига кўра кредит қўйилмалари қолдиги 29,0 миллиард сўмга етди.



ЎЗБЕК ЦИРКИ

ЖАҲОН КЕЗМОҚДА


Маълумки, ўзбек миллий цирки ўзининг кўп асрлик тарихи ва бой анъаналарига эга. Бизгача етиб келган тарихий манбаларга кўра, қадим замонлардан буён халқ сайиллари ва байрамларда дорбозлар, муаллақчилар, полвонлар, чавандозлар, кўзбоғловчилар, масхарабозлар, айиқ, эчки, маймун ва илон ўргатувчилар ўзларининг ранг-баранг томошаларини намоиш этиб келишган.

Мамлакатимиз мустақилликка эришгач, миллий цирк санъати тарихида янги давр бошланди, десак муболаға бўлмайди. Айнан истиқлол шарофати туфайли миллий цирк санъати мисли кўрилмаган ютуқ ва даражаларга эришди. 1992 йилнинг 2 январда «Ўзбекдавлат-цирк» Республика бирлашмаси ташкил этилганидан сўнг, Тошкент Давлат цирки том маънода ижодий устакхонага, изланиш ва тажрибалар майдонига айланди. Давлатимиз томонидан цирк усталарининг самарали ижод қилиши, маҳоратини ошириши учун барча шарт-шароитлар муҳайё қилинди. Тошкент циркига Ўзбекистон халқ артисти Тошкенбой Эгамбердиев номи берилди. 1999 йилда эса цирк биноси қайтадан таъмирланиб, жаҳон талабларига жавоб берадиган замонавий асбоб-анжомлар билан жиҳозланди. Натíжада янги бадиий ва ижро савияси юксак, дунёнинг манаман деган цирклари билан рақобатлаша оладиган цирк томошалари сахна юзини кўрди.

Тошкент цирки фаолияти билан яқиндан танишиш мақсадида «Ўзбекдавлатцирк» Республика бирлашмасининг сахналаштириш режиссёри ва матбуот маркази раҳбари, санъатшунослик номзоди Пулат Тошкенбоевни суҳбатга тортдик.

— Бугунги циркнинг ўзига хос хусусиятлари, умуман, соҳада олиб борилаётган амалий ишлар хусусида тўхталсангиз.

— Цирк — ёшларга хос жисмоний баркамоллик, довюраклик ва эпчиллик санъатидир. Шунинг учун ҳам «Ўзбекдавлат-цирк» Республика бирлашмасида ёш ижрочиларни қўллаб-қувватлашга, уларнинг ижодий ўсиши учун зарур шароит яратиш беришга катта эътибор берилмоқда. Сўнгги йилларда цирк репертуари бир нечта янги асарлар билан бойиди. Дамир Юнусовнинг «Нарвон устидаги эквилибр», Сетора Фаниева ижросидаги «Олов ўйини», Рамиз Шагиевнинг «Экзотик ҳайвонлари», Анвар Алиев раҳбарлигидаги «Акробат-эксцентриклар» шулар жумласидандир. Ҳозирги кунда бу ерда ўзбек циркининг етакчи усталари — Ўзбекистон халқ артисти Ҳақим Зарипов, республикада хизмат кўрсатган артистлар Олимжон Тошкенбоев, Нисо Алиева, шунингдек, цирк фахрийлари Раъно Рўзихўжаева, Қудрат Болтаев ва Георгий Маркевич ёш ижрочиларга ус-тозлик қилишмоқда. Улар «ус-тоз-шоғирд» анъаналарини давом эттириб, ҳамиша навқирон ва қувноқ цирк санъатининг мураккаб ўйинларини ёшларга ўргатиб келишяпти.



— Телевизорда халқаро цирк фестиваллари тез-тез намоиш этиб турилади. Айтингчи, бизнинг циркчиларимиз ҳам халқаро майдонларда ўз маҳоратларини қай даражада намоиш этишяпти?

— Ўзбек артистларининг ўзига хос чиқишлари халқаро цирк майдонларида муносиб ўрин эгаллайди. Айниқса, миллий тусда безатилган, анъанавий ва замонавий цирк тўм-шаларидан иборат дастурлар Европа, Осиё ва Африканинг кўплаб мамлакатларида қизгин кутиб олинган. Истиқлолнинг илк йилларидаёқ ўзбек циркининг етакчи ижрочилари бир қатор нуфузли халқаро фестивал ва кўрик-танловларда иштирок этиб, фахрли ўринларни эгаллаб қайтишган. Масалан, 1996 йили Москвада илк бор ўтказилган биринчи халқаро цирк фестивалида Э.Арзу-

КЎЗГҮ

манов раҳбарлигидаги миллий услубда сахналаштирилган «Туялар устидаги акробатлар» аттракциони учинчи ўринни эгалаб, «Бронза айиқ» кубогини қўлга киритган эди. Дубай шаҳрида (БАА) бўлиб ўтган халқаро фестивалда (1999 йил) катнашган Казбек Караевнинг «Чавандоз йигитлари» фахрли ўринлардан бирига, 2000 йили Хитойнинг Ухан шаҳрида ўтказилган Бутунжаҳон цирк фестивалида республикада хизмат кўрсатган артист Нисо Алиева



раҳбарлигидаги гуруҳ «Икки погонани дор» аттракциони билан шарафли иккинчи ўринга лойиқ қўрилган. Шунингдек, Н.Алиева раҳбарлигида тайёрланган «Шарқ афсонаси» номи цирк дастури ўтган йили Тайвандаги халқаро цирк фестивалида олий мукофотни қўлга киритди. Айтганча, 2010 йил йилда Латвия пойтахти Рига шаҳрида бўлиб ўтган «Цирк юлдузлари» халқаро фестивалида республикада ёш вакиллари Комила ва Рустам Хаметовлар ҳаво гимнастикаси бўйича «Шарқона дуэт» номи чиқишлари билан биринчи ўринга сазовор бўлишди.

— Ўзбек миллий цирки узоқ йиллик тарихга эга. Ўтмишда ўзбек миллий цирки дорбоз, чавандоз ва қизқичиларисиз тасаввур этиш қийин бўлган. Бугунчи, уларнинг ишини кимлар давом эттираяпти?

— Дарҳақиқат, ҳаво гимнастларидан Мадалиевлар, от ўргатувчилардан Ҳўжаевлар, дорбозлардан Тошкенбоевлар, чавандозлардан Зариповлар сулолалари ўзбек цирки тарихида ўчмас из қолдиришган. Ҳозирги кунда ушбу анъаналарни сулола вакиллари давом эттириб келишмоқда. Кечагидек эсимда, 1997 йили дунёнинг энг кўҳна цирклардан бири — Париж «Буглион»ида ёш цирк артистларининг анъанавий халқаро фестивали бўлиб ўтган. Ўшанда 15 ёшли Карима Зарипова ҳам иштирок этиб, акробатика усулида «Пластик этюд», яъни бесуюқ ўйинини қўйилмақом қатнашган бажариб, олтин медал билан Тошкентга қайтган. Ўзбекистон халқ артисти Ҳақим Зарипов раҳбарлигидаги «Ўзбекистон амазонкалари» ансамбли 2008 йилда Хитойдаги халқаро цирк фестивалида катнашган. Ўшанда уч нафар чавандоз қизлар бир вақтнинг ўзига чопатилган от устига сакраб чиқиб, хилма-хил машқлар намоиш этишган. Бунга қадар ҳеч ким ижро этмаган 3 кишилик ушбу композиция «Хитой рекордлари китоби»дан жой олган. Ўзбекистонда хизмат кўрсатган артист Олимжон Тошкенбоев раҳбарлигидаги «Ўзбекистон дорбозлари» гуруҳи бир неча йиллар мобайнида Европанинг турли мамлакатларида бўлиб, томошалар қўйиб келишган. Улар Европа циркларининг 10-фестивалида «Маҳорат ва жасорат» кубогини ҳам қўлга киритишган. Ўзбек дорбозларининг санъатига берилган бундай юксак баҳо шунчаки берилмаган албатта. Тан олиш керак, ҳамма ҳам баланд дор устидаги мураккаб ўйинларни бирор бир муҳафаза воситаларисиз ижро этолмайди. Дорбозлар гуруҳининг катнашчиси Бехзод Тошкенбоев икки йил аввал Кореяда ўтказилган Бутунжаҳон дорбозлар чемпионатида юксак маҳоратини намоиш қилган. Ўшанда у дор устидан 1 километр масофага 13 дақиқада югуриб ўтиб, дунёнинг энг кучли дорбозлари бешлигидан жой эгаллади.

Ишончимиз комилки, Ўзбек циркининг довури бундан кейин ҳам дунёга дoston бўлади. Негаки, бу ерда ўз ишининг чинакам фидойилари меҳнат қилишяпти. Шундай экан, бугунги куннинг тўқ, Мухими, ўзбек миллий цирк санъатининг муносиб давомчилари бор.

Мафзуза
ХУДАЙБЕРГАНОВА,
«Milliy tiklanish» мухбири

ЎГИТ

Хунарманд киши мен хунарманд демас,
Уни таъриф айлар хунар ҳар нафас.

Бол излаб, етгунча ари наштарин,
Қаноат билан шинни есанг ширин.

БИЛАСИЗМИ?

Австралиялик Гэри Парсонс 19030 км.лик масофани 274 куну 8 минутда югурганча босиб ўтган. 1999 йил 8 ноябрда у ўзининг Австралия бўйлаб саёҳатини (14399,3 км) 197 кун, 23 соат, 49 минутда якунлаган.

Словениялик тоғ-чанги устаси Даво Карникар чанғида Эверест чўққисидан белгиланган лагергача 5 соат деганда қайтган (2000 йил, 7 октябрь).

ТУРФА ОЛАМ

ҚАДИМГИ МАҚБАРА

УРАЛ ДАРЁСИДА ОЛИБ БОРИЛГАН УЗОҚ ЙИЛЛИК ҚАЗИШМАЛАРДАН СЎНГ АРХЕОЛОГЛАР ЎТА ҚАДИМИЙ МАҚБАРАГА ДУЧ КЕЛИШДИ.

Тадқиқотчиларнинг тахминича, мақбара остидан топилган суяк қолдиқлари бронза даврида яшаган инсонларга тегишли. Текширувлар чоғида ўша жойдан топилган суяк қолдиқларидан бири ёш ва бадавлат аёлга, иккинчиси эса 22-23 ёшда бўлган йигитга оид экани аниқланган. Айни пайтда россиялик антропологлар ушбу топилмалар асосида эраизмга қадар II асрда Жанубий Уралда яшаган қадимги одамларнинг қиёфасини яратиш устида изланишмоқда. Шу йил ёз ойларида ушбу ишланмалар асосида ясалган бронза ҳайкаллар Аркаим қўриқхонасида очилиши кутилаётган кўрғазма экспозицияларидан жой олиши кутилаётир.



Бир қарашда Түроху оддий телефондан сира фарқ қилмайди. Фақат унинг корпуси ноодатий, яъни овал кўринишга эга. Янги телефоннинг интерфейси эгилувчан материаллардан ишланган.



Шунингдек, Түроху телефонининг ост қисмидан аппаратни бошқариш учун мўлжалланган сенсор дисплей жой олган. Мазкур дисплей турли вазифаларни, масалан, браузер ёрдамида интернет тармоғига улаиш имконини бераркан.

ТЕЗЮРАР ПОЕЗД

ХИТОЙНИНГ ЭНГ ТЕЗЮРАР ПОЕЗДИ ТЕЗЛИК БЎЙИЧА ДУНЁ РЕКОРДИНИ ЎРНАТДИ.



“Хэсе” тезюрар поезди соатига 487 километр тезликда Пекин-Шанхай магистрал йўлини босиб ўтиб, аввалги рекордни янгилаган. Айтиш жоизки, ушбу поезд узоғи билан 390 км/с. тезликда ҳаракатланиш учун мўлжалланган. Бироқ, хитойлик темирйўлчиларнинг гайрат-шижоати туфайли ана шундай юқори натижага эришилган. Бундан аввалги рекорд ҳам айнан “Хэсе”га тегишли бўлиб, ўшанда поезд соатига 486 км. масофани босиб ўтган эди. Нима ҳам дердик. Ахир, узунлиги 7055 км.га чўзилган тезюрар поездлар учун мўлжалланган темирйўл магистралли бўлгач, хитойликлар рекорд қўяди-да.

Зафар МУҲАММАД тайёрлади

MILLIY TIKLANISH

2011 йил учун «Milliy tiklanish» ижтимоий-сиёсий газетасининг ЭЛЕКТРОН НУСХАСИГА ҳам обуна бўлинг!



«Milliy tiklanish»га тезкор усулда обуна бўлишни истасангиз, «Mahagon anime studio» масъулияти чекланган жамиятининг 311-56-33, 281-54-77 телефонларига (e-mail: info@mahagon.uz, www.citybook.uz, www.soho.uz) мурожаат қилинг!

Газета ҳафтанинг чоршанба кўни чиқади. Газета Ўзбекистон Матбуот ва ахборот агентлиги томонидан № 0223 рақами билан рўйхатдан ўтган. Бюортма — Г 123, Адади — 9291. Саҳифаловчи: Акбар ШОДИЕВ. Навбатчи муҳаррир: Исмаил ХУДОЁЕВ. Навбатчи: Дилфуза РЎЗИЕВА. Электрон почта: e-mail: milliy@tarkor.uz

Босишга топшириш вақти — 21.00. Топширилди — 21.10.

ХАБАР

ШАХМАТ ФЕСТИВАЛИ

Пойтахтда «Ўзбекистон маданияти ва санъати форуми» жамғармаси ва Ўзбекистон шахмат федерацияси ҳамкорлигида Болалар шахмат фестивали ўтказилди.

Мусобақада пойтахтимиз ва Тошкент вилоятдан тўрт ёшдан ўн тўрт ёшгача бўлган икки юз нафарга яқин ўғил-қиз иштирок этди.

Мамлакатимизда спортни оммалаштиришга алоҳида эътибор қаратишмоқда. «Ўзбекистон маданияти ва санъати форуми» жамғармаси томонидан болаларни жисмоний тарбия ва спортга кенг жалб қилиш, уларнинг бўш вақтини мазмунли ташкил этиш йўлида амалга оширилаётган кўплаб лойиҳалар ҳам айни шу эзгу мақсадларга хизмат қилаётир.

Фестивалда кўплаб замонавий очик ва ёпиқ сузиш ҳавзалари, спорт мажмуалари, стадионлар барпо этилаётгани ёшларнинг жисмонан соғлом, маънан етук вояга етишида муҳим омил бўлаётгани

алоҳида қайд этилди. Юқоридаги каби анъанавий спорт мусобақалари эса соғлом турмуш тарзини тарғиб қилишда катта аҳамият касб этади.

«Ўзбекистон Маданияти ва санъати форуми» жамғармаси ёш спортчиларни ҳар томонлама қўллаб-қувватлаш борасида турли спорт лойиҳаларига эътибор қаратиб келмоқда. Истеъдодли ёш спортчиларга қўшимча шарт-шароит яратиш мақсадида 2007 йилдан бошлаб Спорт грантлари дастури анъанавий тарзда ўтказиб келинмоқда. 2007 йилдан 2010 йилга қадар 207 нафар спортчиға умумий ҳисобда 62,1 млн. сўмлик грантлар ажратилган. Уларнинг аксарияти «Форум Юниор Спорт» ҳамда «Чемпионлар форуми» спорт мажмуалари

тарбияланувчилари бўлиб, бугунда улар Осиё ва жаҳон чемпионатлари совриндорларидир.

Мутахассисларнинг фикрича, шахмат — энг аввало, инсонни мукаммалликка етакловчи ақлий спорт тури бўлиб, руҳий ва жисмоний тренинг санъатидир. Бундан ташқари, шахмат спорт тури муҳим соғломлаштирувчи ва ижобий руҳий ҳаmda жисмоний аҳамият касб этади. У инсонни ҳар томонлама мукаммаллаштириб, ўзига бўлган ишончини оширади ва мақсад сари интилувчанлик, чидамлик, қатъийлик, вазиятга тезда баҳо бера олиш хислатларини кучайтиради.

Фестивалдан кўзланган мақсад — ўқувчилар ўртасида соғлом турмуш тарзини кенг тарғиб этиш, шахматга қизиқувчи болаларни кўллаб-қувватлаш ва рағбатлантиришдан иборат.

Тўққиз турда ўтказилган беллашувда Алишер Бекмуродов, Жаҳонгир Турсунов, Феруза Мухаммадкаримова, Зайнаб Усмонова биринчи ўринга лойиқ топилди. Голиб ва совриндорларга қимматбаҳо совғалар топширилди.

Азима ҚИЁСОВА

ТЕАТРДА

СПЕКТАКЛДАН СЎНГ...

Республикаимиздаги театрлар орасида Оғажий номидаги Хоразм вилоят мусиқали драма театри ўзининг ранг-баранг асарлари, профессионал режиссура ва маҳоратли актёрлар ижроси билан мухлислар қалбидан жой олган.

Театр раҳбари Бахтиёр Омонбоевни суҳбатга тортамиз.

Театримиз 1922 йилда ташкил этилган. Шу кунга қадар театр ўзининг минглаб сахна асарлари билан мухлислар эътиборига тушди. Дастлаб, театрда шох асарлардан “Лайла ва Мажнун”, “Ошиқ Фарид ва Шохсанам”, “Махтумқули”, “Феруз”, “Тоҳир ва Зухра”, “Алпомиш”, “Гамлет”, “Қароқчилар”, “Яраланган юраклар” қўйилган. Етим Бобожонов, Ваҳобжон Фаёзов, Комилжон Отаниёзов, Султоншоша Раҳимова, Матёқуб Харратов, Бибисора Девонова каби актёрларни халқ айнан шу сахна орқали таниган.

Биз Бахтиёр акадан театрнинг янги йил режалари ҳақида сўрадик.

Янги йилда режаларимиз бисёр. Жумладан, Қўчқор Норқобилнинг “Икки оёқли бўрилар”, Гулнора Қурбонovanнинг “Ўғлимнинг орзуси”, Жура Махмудов-

нинг “Осмондан танга ёққан кун”, ўзбек халқ эртаклари асосида “Тўғри ва эгри” каби спектаклларини сахналаштириш режалаштирилган. Уларни мохир режиссёрларимиздан Ж.Рўзметов, Қ.Якубов, А.Отажонов ва О.Абдуллаев сахналаштириш ниятида. Мазкур спектаклларда театримиизнинг кўзга кўринган актёрлари билан бир қаторда ёш, истеъдодли актёрлар ҳам қатнашиш кўзда тутилган.

Ҳа, театрда ташриф буюрган ҳар бир инсон ундан маънавий озуқа олиб қайтишига яна бир қарра амин бўлди. Негаки сахнада қўйилаётган ҳар бир асар инсонларни яхшиликка, дўстликка, меҳр-оқибатга даъват этиши шубҳасиз. Айниқса, ёшлар тарбиясида унинг ўзига яраша таъсир кучи бор.

Феруза БОЛТАЕВА,
Фарзода
ХУДОЙБЕРГАНОВА,
Хоразм вилояти

ТАХРИР ҲАЙЪАТИ Ахтам ТУРСУНОВ, Аҳрор АҲМЕДОВ, Фолибшер ЗИЯЕВ, Сувон НАЖБИДДИНОВ, Мухаммаджон ҚУРОНОВ, Фағружон МУҲАМЕДОВ, Улуғбек МУҲАММАДИЕВ, Шоира УМАРОВА, Рустам ҚОСИМОВ, Эркин ЮСУПОВ, Баҳодир ШАРОФОВ, Арслон ЭШМУРОДОВ

Бош муҳаррир: Жалолиддин САФОВ

ТАХРИРИЯТ МАНЗИЛИ: Тошкент-100000, Амир Темура кўчаси, 1-тор кўча, 2-уй
Газета таҳририят компьютер марказида терилди ва саҳифаланди
ТЕЛЕФОНЛАР: (8-371) Қабулхона 234-69-55, Парламент ва партия ҳафти бўлими (факс): 234-01-47
Бош муҳаррир ўринбосари 234-87-74, Бухгалтерия 234-87-73, Компьютер хонаси 234-86-41.
Ҳажми 4 босма табоқ офсет усулида босилди. Қўзғалдирич А-2

«ШАРҚ» нашриёт-матбаа акциядорлик компанияси босмахонасида чоп этилди.
Қорхона манзили: «Буюк Турон» кўчаси, 41-уй

MILLIY TIKLANISH

МУАССИС: ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИ

ҲОМИЙ: «МАТБУОТ ТАРКАТУВЧИ» АКЦИЯДОРЛИК КОМПАНИЯСИ